

# *NDO PFA FHEDZI ZWINO*

## *NDI A VHONA*

 Ni nga dzula. Ndi zwavhuđi u vhuya murahu hafhu madekwana a ñamusi. Ndi tshi livhuwa uri ri na itshi tshikhala hafhu tsha u shumela Murena. Huno murahu ha u ni fareledza vhusiku ho fhiraho, ndi pfa uri a zwi nga vhi zwavhuđi u ni fareledza hafhu madekwana a ñamusi.

<sup>2</sup> Murahu afho ndi tshi khou thetshelesa murathu washu wa mushumisani, kha Murena, a bvaño Indiana, o dzinginyiswa nga muloro u so ngo ðoweleaho. Ha athu u vhuya a ði wana a Shreveport, vhutshiloni hawe. Fhedzi o lora, vhuñwe vhusiku, o ða Shreveport, hu si nga goloi yawe. Huno o ða na...kana o ða huñwe fhethu, kha tshivhidzo tshe nda vha ndi tshi khou amba khatsho. A ri, murahu ha musi ndo funza na u rabelela vhathu, a ri, “Tshiñwe tshithu tshi khou ya u itea.” A ri, ene “o vhuya nga ðuvha li no tevhela.” Huno a ri, ene “o vha a tshi ðivha tshifhaðo, nga ndila ine tsha vhonala ngayo.” A ri, “Hu na—ho vha hu na audithoriamu ya khoro u mona na tshiñaraða, fhedzi a vho ngo vhuya vha dzhena kha audithoriamu.” A ri, “Yo vha i kha heyi thungo, kha tombo la tshifhaðo li na phapha khalo, huno tshifhaðo tsho dzula sa hetshi.” Huno ene—ene mutukana ndi mulori, ndo no vhonala miloro yawe nahone nda ðivha uri ndi ya ngoho.

<sup>3</sup> Huno a ri—huno a ri, “Zwenezwo nga vhusiku ha u fhedza” u ri nne “ndo vha ndi tshi khou amba na u rabelela vhalwadze.” Huno nda ri, “Tshiñwe tshithu tshi khou ya u itea.” Huno tshi unga sa u thathaba ha muthathabo.” Huno a ri, “Vhathu vha thoma u tzhemra.” Huno a ri, “Musi muthathabo u tshi thoma u fhela, zwo luga,” a ri “Wa ita ipfi, nahone wa thoma u amba.” A ri, “Wo vha u tshi isa phanda na uho u amba, uri nga kha hedzi dzilataisi (mafasisiter nñha hafha) ha bvelela Vhugala ha Mudzimu, vhu tshi ðzhena ngomu, kha tshivhumbeo tsha Khavhu ya Mulilo.” Ha athu u vhuya a Zwi vhonala. O ri pfa ri tshi amba nga Hazwo, fhedzi ene muñe ha athu u Zwi vhonala. Huno a ri, “Khezwo Zwi afho, zwi tshi khou bvelela kha fasiñere sa zwezwo, huno zwa vhumba itsho Tshedza tshi fanaho na itscho ni no khou tshi vhonaho kha tshifanyiso, henefho nñha ha vhathetshelesi hafha.” Huno a ri, “Tsho vha tshi tshi khou vhumbuluwa u bva kha tshiñwe tshithu.” Huno a ri, nne “nda ima, nahone nda ri, ‘Hoyo ndi Yehova Mudzimu.’”

<sup>4</sup> Huno a ri “o vha o humbudzwa zwa (musi a tshi elekanya Ngazwo) musi Mushe a tshi vhidza yone... a tshi bvisa vhathu

Egipita. Huno vha ri, ‘Litshani Mushe a ambe, huno hu si Mudzimu, ngauri ri nga lovha.’’

<sup>5</sup> A ri, “Muňwe na muňwe o vha o edela fhasi, zwanda zwavho zwo imeselwa nt̄ha, vha tshi khou tzhemba.” A ri o “vha a tshi khou tzhemba, nae-vho, ‘Murena Mudzimu, ndi a U funa! Ndi a U funa!’’ Huno mufumakadzi wawe a mu dzinginyisa nahone a mu vusa.

<sup>6</sup> Ndi a mu vhona a tshi khou tshimbila vhukati ha zwidulo zwino, Mukomana Jackson, mureri wa kale wa Methodisi. Huno o vha o thithisea zwihiulu, u swika a tshi tsela ngeno fhasi; huno a ri musi a tshi dzhena ngomu, ene “o vha o mangadzwa zwihiulu,” kokotolo nga ndila ye a zwi vhona ngayo kha muloro. A thi d̄ivhi zwine wa amba. Murena o ndzumbela zwone. Fhedzi tshiňwe tshithu tshi nga itea, ndi tshi vhona Mukomana Jackson a tshi khou lora izwo, ndi tshi mu d̄ivha sa wa ngoho, wa vhukuma—muthu wa vhukuma, mulanda wa Mudzimu.

<sup>7</sup> Huno ndi—ndi mu d̄ivha sa mulori wa miloro, a tshi da kha nne, huno Murena o nnea thalutshedzo, zwi do vha zwenezwo kokotolo. Na kha, tshiňwe tshifhinga, u ya hanga Arizona, o vha na muloro wazwo.

<sup>8</sup> Huno u khou thithisea zwihiulu. U na mufumakadzi wawe, o da nae. U khou ya u vha mme hu si kale, nahone ndila i yothe ye o vha a tshi nga tuwa ngayo ho vha hu nga bufho. O vha a si na na peni ya u da, huno muňwe muthu a mu fha tshelede. Huno zwi vhonala sa zwo itea nga ndila ya tshimangadzo, ngauralo tshiňwe tshithu tshi nga itea; ri fulufhela nga u ralo. A ri d̄ivhi zwine Murena a do ri netshedza zwone.

<sup>9</sup> Zwino, ri livhuwa Murena nga u vha vha tshilaho kha duvha line ra khou tshila khalo, phanda ha u vhuya ha Yesu. Vhunga ndo vha ndo zwi amba, ndi tshifhinga tshihulwanesa tsha d̄ivhazwakale yothe. Ndi khwiňe ndi tshi vha ndi tshi khou tshila zwino u fhira tshiňwe tshifhinga, u ya . . . kha lifhasi.

<sup>10</sup> Ndi vhona hafha phanda hashu, hafhu madekwana a namusi, ndi khonani yanga yavhuđi, Mukomana Dauch. Ndo mu bula ngei audithoriamu ano matsheloni. Mukomana Dauch u na minwaha ya fućahe-raru ńamusi, ndi u fhađutshedzwa ha hani. O netshedza vhutshilo hawé vhulapfu u itela vhugala na thendo dza Mudzimu, ńamusi u na fućahe-raru. “Duvha la vhudi la Mabebo” kha iwe, murathu wanga! Huno ndi a d̄ivha nnđa, fhasi, u mona na shango hune vha khou thetshelesa madekwana a ńamusi, vha a tamela-vho Mukomana Bill Dauch “Duvha la vhudi la Mabebo.” Ndi khonani ya tsini ya Oral Roberts, vhanzhi, vho thusa vhanzhi kha ndila ya Mafhungo madifha, na zwiňwe zweothe. Ndi khonani khulu yashu.

<sup>11</sup> Ndo takala u vhona Mukomana Mann hafha, muňwe mureri wa Methodisi, o tshidzwaho na u lovhedzwa nga Muya Mukhethwa, nahone nga Dzina la Yesu Kristo, o dzula afha.

U tou vha, nae-vho, muñwe wa vhashumisani vhashu u bva Indiana. Huno ndi a pfectesa Mukomana Hickerson o dzulaho tsini nae, muñwe wa madikoni ashu u bva Jeffersonville, Indiana (vha khou thetshelesa heneffo madekwana a ñamusi). Huno ndi a pfectesa uri Mukomana Wheeler, muñwe wa mañwe madikoni vha hone huñwe fhethu. Huno a—a thi athu u mutopola, vhañwe vhathu vha khou sumbedza nga miñwe yavho huno ndi do mu gavha hu si kale; o dzula heneffo, nñtha kha tshaula, ee.

Mukomana Banks Wood, arali u tshi khou ri thetshelesa madekwana a ñamusi, murathu wau o vha a fhano vhusiku ho fhiraho. Ndo mu vhona musi ndi tshi khou bvela nnđa, Mukomana Lyle. Thanzi dza Yehova; tshigwada tshothe tsho shandukiswa. Lyle o ñiswa ngomu nga nñhani ha bono la Murena.

<sup>12</sup> Lyle o vha o dzula kha tshikwekwete heneffo liñwe duvha, musi duvha la phanda ha musi a tshi vhudzwa uri “tshiñwe tshithu” tsho vha “tshi tshi khou ya u itea malugana na mvuwo ya vhutshilo.” O vha a Thanzi ya Yehova ya vhukuma, nae-vho! Fhedzi ala matsheloni, ro dzula heneffo, ri tshi khou rea, huno a gavha... Zwo luga, o vha a na khulu, ya kale nda pfu (heyo ndi fesheni ya Kentucky, ni a ñivha)... huka khulu na ñukhu, khovhe ñukhu ya i mila. Huno a sokou kokodza lusia, a i rumbula na zwothe, a i posa nnđa mađini (ñukhu, khovhe ñukhu), huno a ri, “Zwo luga, tshithu tshituku, wo swika kha vhutete hau ha u fhedza.” Iyo ñukhu... i tshi khou teka-teka mađini, ya fa, huno maya wa i vhudzulela nñtha matzhavani.

<sup>13</sup> Huno duvha la phanda ha izwo, ndo dzula, nda ri, “Muya Mukhethwa u khou mmbudza uri ‘hu do vha na mvuwo ya tshiñwe tshivhumbwa tshituku.’ Khañwe hu do vha na—na tshimangana, musi ndi tshi humela murahu hayani, ngauri hu tou vha...”

<sup>14</sup> Musi ri tshi khou lingedza u wana tshiñwe tshinuvhe tsha khovhe, Mukomana Wood na nñe, ane a khou thetshelesa madekwana a ñamusi, musidzana wanga muñku ane a vha musadzi muñku o dzulaho afha, o vha na vhutumani na heli sole la musonda. Musi vha tshi... O bvelela, a ri, “Baba...” Ene na muñwe musidzana muñku, a ri, “Rine...” Zwino, muñwe na muñwe a nga vha na lushaka luñwe na lunwe lwo khethearo lune a ñoda lwa tshifhiwa, fhedzi nñe a thi takaleli tshimange, ngauralo ene... kana a hu na Branham. Ngauralo ra... a ri, “Oo, ro wana tshimange tsha kale tshi tungufhadzaho nnđa hafha, Baba. Tshi—tshi—tshi la tshiñwe tshithu nahone tshi... muñwe muthu o tshi shelela mulimo, tsho rungunya.” A ri, “Baba, tshi khou ya u fa nga u ñavhanya, naa ri nga wana bogisi liñku huno ra tshi tsireledza mađuvha mañukunyana?”

<sup>15</sup> Nda ri, “Ntendeleni ndi vhone itsho tshimange.” Zwo luga, vha ñuwa nahone vha dzhia tshimange. Nda vhona zwe zwa

vha zwi tshi khou ya u itea, ngauralo nda mu nea bogisi. Huno matsheloni a no tevhela, ho vha hu na zwimangane zwi yelaho kha zwa sumbe kana zwa malo heneffo, ni a divha. Ngauralo mutukana wanga muṭuku, Joe, a takula tshiñwe tshazwo, huno a tshi twanya nahone a tshi posa fhasi; huno nda sokou—sokou... tshithu tshiñku tsho edela heneffo tshi tshi sokou shanavhiḍa u mona na u mona, a tshi vhulaya.

<sup>16</sup> Huno nda ri kha Mukomana Lyle, murathu wawe, nda ri, “U a divha, zwi nga itea uri hetsho tshimangane tshi vuwe, sa zwe ra vhona Murena a tshi ita zwithu.”

<sup>17</sup> Mukomana Lyle, u tou vha muswa nqilani. Muya Mukhethwa wo vha u kha di bva u mu vhudza uri o vha a muthu o vhingaho, na zwe a ita, na vhuvhi he a ita, zwithu zwe a ita. Zwo luga, a elekanya uri Mukomana Banks o vha a khou mmbudza izwo zwithu. Fhedzi musi Zwi tshi mu bvisela khagala, na u mu vhudza zwe a ita vhusiku ho fhiraho, hezwo ho vha hu—zwo vha zwo mu ḫalela. O vha a sa koni u zwi pfectesa.

<sup>18</sup> Zwenezwo, matsheloni a no tevhela... Musi ro fhedza vhusiku hoṭhe ri tshi khou reya, na khovhe ḫukhu, ro vha ri tshi khou reya dziñwe u itela tshiñuvhe. Fhedzi o sokou posa iļa khovhe ḫukhu mađini, ya dzinginyea, ya sokou papamala. Ho no fhela hafu ya awara ro vha ro dzula heneffo, huno ndo vha ndi tshi khou... nda ri, “Mukomana Lyle, wo tendela khovhe i tshi mila huka ya tsa fhasi na thumbu yayo. Ni a vhona?” Nda ri, “Dzhia lusia hafha, u lu pose, tshiñuvhe tshi nn̄da vhunga hezwo; musi a tshi tou lu kwama,” nda ri “zwenezwo sokou i fara nahone u i dženise.” Nda ri, “Ene... u so ngo i kokodzela nn̄da sa izwo, u so ngo i mila, wo fara khovhe.”

<sup>19</sup> A ri, “Zwo luga...” O vha a na khulu, mutala wa kale wo nembelela, nda ri, “Heyi ndi n̄dila ine ri nga zwi ita,” sa izwo.

<sup>20</sup> Ngauralo, nga tshetsho tshifhinga, nda pfa Tshiñwe tshithu tshi tshi khou bvelela u bva n̄tha ha thavha ngei n̄tha, tshidumbumukwe, tshi tshi mona na u mona. Tsha bvelela heneffo sa izwo, huno Muya wa Mudzimu wa da kha tshikwekwete, wa ri, “Ima nga milenzhe yau.” Wa ri, “Ambe na iļa khovhe yo faho. U ri, ‘Ndi a u nea vhutshilo hau murahu.’”

<sup>21</sup> Huno iļa khovhe ḫukhu yo vha yo edela heneffo lwa hafu ya awara, na mala ayo kha mulomo, na pwit̄i dzayo. Nda ri, “Khovhe ḫukhu, Yesu Kristo u a u nea vhutshilo hau murahu. Tshila, nga Dzina la Yesu Kristo.” Ya dzinginyea kha muṭana wayo, huno ya tsa na mađi u ya nga hune ya kona.

<sup>22</sup> Mukomana Lyle, naa u hone afha hunwe fhethu? Ndo—ndo u vhona vhusiku ha mulovha. Kana u ngomu, nn̄da, kana u gai, imisa tshanda tshau arali ndi tshi nga u vhona. [Muñwe muthu tshivhidzonī u ri, “Balikoni.”—Mudz.] Ni ri mini? Kha bal... Oo, ee, n̄tha kha balikoni, nga kha mafisiṭere murahu afho. Hoyo ndi ene muthu, Thanzi ya Yehova.

<sup>23</sup> A ri, “Mukomana Branham!” O vha o takala, a ri, “Uh, ndi—ndi zwavhuđi u vha fhano. Naa a zwo ngo ralo?” A ri, “Uh—uh, naa u a—naa u a . . . Uh, naa u elekanya uri izwo zwi amba na nne, hezwo—hezwo—hezwo, uri ndo vhidza ila khovhe ḥukhu, a ri, ‘Wo swika kha vhutete hau ha u fhedza?’” A ri, “Hezwo—hezwo—hezwo zwi amba tshiňwe tshithu kha nne?”

<sup>24</sup> Nda ri, “Hai, hai, i tou vha khwařhisēdzo.” O vha o sinyuwa ngazwo.

<sup>25</sup> Zwo luga, ri tshimbila rothe nahone u a vhona izwo zwithu zwi tshi itea, u tshi ḏivha . . . Zwino, itanu elekanya, zwo vha zwi khou sumbedza mini? Ndo vha na īwana mučuku wa thaidzo ya musipha lwa tshivhalo kha thabelo, ndi tshi khou zwi rabelela, fhedzi musi bono li tshi bvelela lo vha li la khovhe ḥukhu ya kale lwa tshikhala tshilapfu, u yela kha intshi mbili kana tharu. Zwi vhonala unga huka yo vha yo hula sa khovhe. Fhedzi zwe zwa vha zwi zwone, ho vha u sumbedza uri Mudzimu u a lavhelesa kha zwithu zwičuku-vho. Ni a vhona?

<sup>26</sup> Liňwe ḏuvha musi vhatu vha na mapele vho edela u mona na shango, O shumisa maanda Awe huno a vheya samba kha muri. Wa thoma u oma, musi ho vha hu na vhatu vho edela huňwe na huňwe vha tshi khou ḥoda maanda a phodzo. Fhedzi, ni a vhona, O vha a tshi khou ḥoda u sumbedza uri Ene u Mudzimu n̄ha ha tshiňwe na tshiňwe, kana ndi tshičuku, kana ndi tshihulu, tshi nga vha tshini na tshini. U kha di vha Mudzimu n̄ha ha zwithu zweþhe, tsiko yoþhe. Ngauralo ri a Mu funa ngauri. . . Hezwo—hezwo zwi ri nea u ḏivha, arali A tshi khou takalela u amba Ipfi la vhutshilo kha khovhe ḥukhu i si ya vhuthogwa yo poswaho heneffo yo fa, kha madi lwa hafu ya awara, A nga kona liňwe ḏuvha u amba Vhutshilo kha vhana Vhawe. Zwi si na ndavha arali muvhili wanu u sa tsha vha tshithu tshi fhiraho lebula ya buse, U do amba, nahone ri do Mu fhindula liňwe ḏuvha. U Mudzimu Ane u na dzangalelo kha tshiňwe na tshiňwe, zweþhe zwine ra ita, zweþhe zwine ra amba, tshiňwe na tshiňwe. U na dzangalelo.

Zwino kha ri kotamise ḥohohozashu, hoþhe hoþhe.

<sup>27</sup> Ndi a vhilaela, phanda ha musi ri tshi rabela, arali hu na muňwe muthu madekwana a ñamusi ane a vha na dzangalelo Khae, fhedzi a ni athu u vha na mbetshelwa kha liňwe Shango hune ra khou ya u Mu vhona. Ni a ḏivha, ni nga si dzhene ni si na he na vhetshelwa. Huno a ni athu u zwi ita, fhedzi ni tama u elelwa kha thabelo zwino, uri tshiňwe na tshiňwe tshi lugiswe vhukati hanu na Mudzimu madekwana a ñamusi, itanu imisa tshanda tshanu; ni do ri, “Nnyelelwe, Murena”? Ni tou vha . . . sakanu Mu tendela a vhone tshanda tshanu. Mudzimu, zwi tendele.

<sup>28</sup> Khotsi wa Ṭadulu, sa musi ri tshi ima madekwana a ñamusi vhukati ha vhatshilaho na vho faho; huno hezwi zwithu zwine

zwa khou itea kha ano mađuvha, zwi mangadzaho, zwo tou ralo ndi zwi mangadzaho; fhedzi Mudzimu, U a divha uri ndi ngoho kana hai, U Muhaṭulu wa ngoho wa maṭađulu na liphasi. Huno ri amba izwi, Murena, u tou ṭuđuwedza vhathe (zwiňwe zwa hezwi zwithu zwe Iwe wa ri sumbedza), uri zwi ṭuđuwedze u funa Iwe na u tenda Iwe, u shumela Iwe, na u divha uru hu si na ndavha uri mushumo ndi muđuku hani, wavhuđi kana muvhni, U a zwi vhona. Ndi a rabela, Mudzimu a funeaho, uri U fhađutshedze muňwe na muňwe wa izwo zwanda madekwana a ḥamusi, na mbili na maya une wo ṭuđuwedza itsho tshanda uri tshi ye n̄tha. Huno ndi a rabela, Mudzimu, uri uvhu vhu vhe vhusiku hune vha do bukelwa kha Shango seli ha mulambo. Zwi tendele.

<sup>29</sup> Fhodza vhalwadze na vhođupheaho, Murena, vhothe hafha, vhothe u mona na shango hune yone—yone—yone nyandadzo nga kha dzithelefoni ya khou itea. Fhatutshedza avho mnđa ngei vha so ngo tshidzwaho, hothe u bva California u ya New York, u bva Canada u ya Mexiko. Zwi tendele, Murena, uri muthu muňwe na muňwe fhasi ha muungo wa ipfi lašhu, madekwana a ḥamusi, a tshidzwe zwivhini zwawe, vha fhodzwe kha malwadze avho, nga n̄thani ha Vhuhone Hau Vhukhethwa.

<sup>30</sup> Huno hoyu Mukomana washu Jackson, we a fhufha ndila yothe kha hedzi maela dza tshigidi, uri a vhe fhano ngauri tshiňwe tshithu tshi so ngo doweleaho tsho dzinginyisa mbili yawe; “Huno vha do lora miloro, na u vhona mabono.” Mudzimu a funeaho, Iwe wo nthivhela uri ndi zwi divhe, zwine izwi zwa amba; a thi divhi. Fhedzi arali U tshi do ri dalela, Murena, lugisa dzimbiļu dzashu zwino u itela uho u dala. Uri ri kone u vha fhasi ha ndavhelelo, ri sa divhi zwine Wa do ita, nahone ri sa divhi arali Wo fulufhedzisa uri dalela nga hoyu muloro; a ri divhi. Fhedzi ri khou—ri khou tou topola izwo zwithu zwine ra pfectesa, uri Wo fulufhedzisa u dalela vhathe Vhau, nahone ri rabela uri U Diite wa vhukuma kha riñe. Nga Dzina la Yesu Kristo ri a zwi humbela. Amen.

<sup>31</sup> Zwino, madekwana a ḥamusi, murahu ha musi ndo ni fareledza vhusiku ho fhirahō na ano matsheloni, huno ndi khou thoma u pfa u hwasa kha ipfi. Ndi na tshipida tshiđuku tsha mayhudzi ane ndi nao, ndi a ambara kha mpanzhane wanga *hafha* musi ndi tshi rera. Fhedzi ndo a hangwa zwino, huno hoyu maya, u no khou dzhena nga kha mafasitere, wo thoma u nn̄ea u—u thithisea ha ipfi. Ndo vha ndi tshi dzulela u...ndo vha ndi tshi vala miđangano, fhedzi u bva tshe nda wana ayo, zwenezwo a thi thithisei ngazwo na luthihi, ndi sokou bvela phanda. Huno ndo a hangwa, nahone a tou vha...ndo...ndi a kona u zwi pfa, ngauralo thabelo dzađu dici do livhuwiwa. Huno zwino, hedzi ndi tshumelo mbili duvha liňwe na liňwe, uri dici tou vha...zwi nga u wana... Ni a divha, musi ni na maela nnzhi, zwi...ni nga zwi amba.

<sup>32</sup> Ngauralo zwino kha vhoinwi vhathe ngei California, na nn̄da ngei Arizona, rōthe ri rumela dzindumeliso u mona na lushaka. Mukomana Leo na tshigwada tsho lindelaho kha Murena ngei n̄tha Prescott, no rambiwa zwino, na vhoinwi vhathe nōthe u mona na Phoenix, vhege u bva madekwana a n̄amusi, ri khou tea u vha ngei Yuma kha zwiliwa zwa madekwana. Vho fhedza u rengisa dzithikhithi dzo nōthe ngei nahone vho wana audithoriamu khulwane, huno a vha koni u dzenisa vhathe. Ngauralo swikani nga u ḥavhanya, inwi nōthe, u—u dzhena ngomu. Zwenezwo ri khou ya Los Angeles u bva afho, Musumbuluwo u tevhelaho... Swondaha i tevhelaho, vhusiku ha Swondaha. Huno ngauralo ro lavhelesana na u ni vhona henengei. Phaṭhutshedzo dzo andaho dza Mudzimu kha dzi dzule kha vhoinwi nōthe.

<sup>33</sup> Kha vhoinwi New York, na vhoinwi ni ne na vha hone n̄tha ngei Ohio na fhethu ho fhambanaho, hu si kale ndi khou ṭoda u rera Mulaedza wa *Vhuṭala Ha Nowa* (livhanda u rangani, na livhanda magumoni), ngei thaberenakeleñi. Billy u do ni rumela ndivhadzo dza izwo, musi ri tshi ya u zwi amba, ngauri ndi ita izwo Thaberenakeleñi ngauri zwi do, fhedzi, u tou vha awara n̄na kana dzi fhiraho.

<sup>34</sup> Zwino ngauralo... ngauralo ndi khou ni ṭoda hafha, hafha na hōthe hune na vha hone zwino, ni tshi vula kha Bugu ya Yobo. Bugu i so ngo ḥoweleyaho u rera nga hayo, fhedzi ndi khou ṭoda u tou shumisa notsi ḥukhu hafha zwino.

<sup>35</sup> Huno zwenezwo, matsheloni a matshelo, hafha thaberenakeleñi, hu do vha na tshumelo ya Tshikolo tsha Swondaha nga... Ri thoma afha tshifhinga-de? [Muthu u ri, “Hafu u ya kha iri ya vhuṭahe.”—Mudz.] Hafu u ya kha iri ya vhuṭahe. Huno zwenezwo ndi na tshikhala tsha u dovha u amba hafha matshelo. Huno Murena a tshi funa, ndo vha ndi tshi khou ṭoda u amba nga ther... arali A tshi khou zwi funa, zwino, vhunga ndo vha ndi tshi khou guda masiari ano, u ni sumbedza uri, “Hu na fhethu huthihi fhedzi hune Mudzimu a do ḥangana na muloshi.” Uh-huh, fhedzi... Huno—huno nda kona u ni vhudza hune afho fhethu ha vha hone, na Dzina ḥa afho fhethu, hune Mudzimu a ḥangana na muloshi.

<sup>36</sup> Huno zwenezwo, vhusiku ha matshelo, ndi khou ya u humbela thuso, ine ndi, u itela tshumelo ya phodzo. Huno ndi—ndi khou ṭoda tshumelo ya phodzo ya fesheni ya kale. Huno arali Murena a tshi funa, ndi kho ṭoda u amba nga ther ye ya nnyakhamadza n̄amusi... Musi Mukomana Moore na n̄ne ri tshi khou amba rōthe, vharathu vhanga vha u luga, ro vha ri tshi khou amba nga ha Mañwalo. Huno two vha zwi zwavhuđi hani u vha na avho vharathu, vhunga zwifhinga zwa kale. Huno a ri, “U a ḥivha, Mukomana Branham, u rera hothe he wa vhuya wa ri itela hafha Shreveport, *Ngwana Na Liivha* wo vha muñwe wa mulaedza wa vhudisa we wa vhuya wa u ḥisa Shreveport.” A ri,

“Ndi a kholwa Milaedza yau i a u ḥoda u netisa zwi hulu ḥamusi, a u athu swika kha u nga ho uyo.”

<sup>37</sup> “Musi ndi tshi pfukwa nga Izwo, ndi pfuka Mulaedza wanga.” Lufuno ndi lwa . . .

Ngwana i funeaho i faho, Malofha Au avhuđi  
Ha nga vhuyi a fhelelwa nga maanda,  
U swika tshivhidzo tshothe tsha Mudzimu  
Tshi tshi tshidzwa, uri tshi sa tsha tshinya.

U bva tshetsho nga lutendo, ndo vhona  
tthisima  
Tshi tikedzwaho nga zwilonda zwau,  
Lufuno lwa thengululo lwo vha luimbo lwanga,  
Huno lu ḥo ralo u swika ndi tshi lovha.

<sup>38</sup> Vhusiku ha matshelo, arali Murena a tshi funa, ndi khou ḥoda u rera nga theroy: *Nga Phapha Dza Liivha Lo Tshenaho Sa Mahada*. Vhusiku ha matshelo, “Murena u khou tsela phasi nga phapha dza Liivha,” hezwo ndi, arali Murena vha tshi funa, ipfi langa li so ngo tshinyala. Zwino . . . ngauralo, ri rabeleleni.

<sup>39</sup> Huno zwenezwo ndi khou ḥoda muṭangano wa thabelo wa fesheni ya kale sa ye ra vha nayo u rangani, hu si na ḥalukanyo, ri tshi sokou fha muṇwe na muṇwe garaṭa ake a khou ḥoda u rabeleliwa. Zwino, ni tea u vha na garaṭa, ngauralo ni swike fhano u ḥavhana uri Billy a kone u ni fha garaṭa nahone zwi tshimbile zwo dzudzanye. Arali na sa ita izwo, vhatu vha sokou dzula vha tshi khou engedzea murahu, na u engedzea murahu, na u engedzea murahu, nahone a hu na magumo kha muduba. Nnyi na nnyi a nga vha na garaṭa. Ndi khou ḥoda Mukomana Jack uri a ime tsini hanga kha muduba wa thabelo, sa zwe na vha ni tshi dzulela u ita, na Mukomana Brown a disē vhatu kha nne vhudzuloni ha Billy Paul. Ndi—ndi—ndi—ndi khou ḥoda—ndi khou ḥoda muduba wa thabelo wa fesheni ya kale, huno ri ḥo sokou rabela nga ndila ye ra vha ri tshi ita ngayo miñwaha yo fhiraho.

<sup>40</sup> Huno ndo takala madekwana a ḥamusi u vha na muṇwe murathu wa mushumisani na riñe, ndo sokou lavhelesa u mona huno nda limuwa zwezwo nahone nda mu vhona, miniti i si gathi yo fhiraho, Mukomana Gordon Lindsay. Ndi muṇwe wa vha zwifhinga zwa kale, o vha a na riñe tshifhinga tsha kale tsho fhiraho. A tshi khou ita mushumo muhulwane, u gandisa, u khou gandisa bugu yanga zwino: *Zwone—Zwone Zwikhathi Zwa Tshivhidzo Zwa Sumbe*. Ri a fulufhela uri i ḥo luga hu si kale, *Mapfundo A Sumbe*. Arali zwa itea a i vhala phanda ha musi a tshi i gandisa, ri khou ya u vha na nyambedzano ya thioliódzhi. Ndi khou tou zwi pfa uri zwi khou da. Fhedzi u a zwi divha uri a thi rathioliódzhi. Ngauralo . . . Zwo luga, ri khou lavhelesa phanda kha vhusiku ha matshelo. Arali u ngomu, Mukomana Lindsay, u vhe hone vhusiku ha matshelo. Arali wa

ralo, u de nahone u vhe na riñe kha puñatifomo u itela muñangano wa thabelo wa fesheni ya kale.

<sup>41</sup> Ndi vhangana vhane yha tama u vhona muñwe wavho wa avho vha zwifhinga zwa kale hafhu, hune ra disa vhathu afha nñha? Hezwo zwi do luga. Zwino, disani vhalwadze vhañu na vho þupheaho, vhusiku ha matshelo, u itela iyo ndivho.

<sup>42</sup> Zwino, arali no wana Bugu ya Yobo, ndimana ya 42...kana ndima ya 42, nahone ndimana dza rathi dza u thoma dza ndima ya 42 ya Yobo; a yo ngo dowelea. Mukomana Ted Dudley, arali ni tshi khou thetshela madekwana a ñamusi, ngei Phoenix, u a elelwa iwe na nñe ri tshi khou amba tshiñwe tshifhinga, u yela kha vhege kana mbili dzo fhiraho, huno wa sumba kha hezwi? Ndo u vhudza, “Liñwe duvha hezwo zwi do vha liñwalwa la u amba ngalo.” Huno ndi khou ñoda u li shumisa madekwana a ñamusi.

*Zwenezwo a fhindula...*

*Zwenezwo Yobo a fhindula MURENA, huno a ri,*

Thethellesani kha uhu u vhalwa zwino.

*Ndi a zwi ñivha uri iwe u ya kona u ita zwoþhe, na uri a hu na thimathimo dzine dzi nga u thivhela.*

*Ndi nnyi uyo ane a tsira ngelekanyo a si na ndivho? ngauralo ndo amba zwine a thi talukanyi; zwithu zwi re zwa vhudisa kha nñe, zwine a thi zwi ñivhi.*

*Ipfa, ndi a u kwengweledza, huno ndi do amba: ndi do ñoda kha iwe, nahone nda u khaþhisedzela kha nñe.*

*Ndo pfa nga ha iwe nga kupfele kwa ndevhe: fhedzi zwino maþo anga o u vhona.*

*Ngazwo ndi tshi ñinyadza, nahone nda shanduka kha buse na milora.*

<sup>43</sup> Zwino ndi khou ñoda u dzhia liñwalwa u bva kha ndimana ya 5.

*Ndo pfa nga ha iwe nga kupfele kwa ndevhe: fhedzi zwino maþo anga o u vhona.*

Ngavhe Murena a tshi fhaþutshedza Ipfi Lawe.

<sup>44</sup> Yobo, kha ri dzhie zwiþuku zwa vhutshilo hawé. Yobo o vha a muporofita. O vha muthu o tshilaho muráhu Bivhili i sa athu u ñwaliwa. Zwo elekanywa uri Yobo ndi iñwe ya Dzibugu dza kalesa ya Bivhili, ngauri yo ñwaliwa phanda ha musi Genesi yo no ñwaliwa. Yobo, hoyu mukundi muhulu na muporofita, o vha a—a muthu wa maanda duvhani lawe. A zwi na thimathimo uri o aluswa nahone a shumela Murena vhutshilo hawé hoþhe. Huno o tshila uvho vhutshilo ha vhudi vhathuni, vhoþhe vho vha vha tshi mu ñhonifha.

<sup>45</sup> Fhedzi o vha a tshi da fhethu hune a hu vhidza hafha, u lingwa nga Murena. Fhedzi ndi do takalela u shumisa ipfi, u

“u ḥaṭhuvhiwa” nga Murena. Huno ngoho, “Murwa muṇwe na muṇwe wa Mudzimu u tea u ranga u lingwa, u vhoṇwa, ngudo ya ḥwana.” Huno zwenezwo arali u lingwa zwa thoma u vha zwi kondaho, huno ra elekanya uri zwi khou kondesa nahone ri si thetshelese (u dzhie nzele), zwenezwo O ri ri “mbo di vha ḥwana wa khangamutupo, huno hu si ḥwana wa Mudzimu.” Ngauri, a hu na tshithu tshine tshi nga dzinginyisa wa vhukuma, ḥwana o bebwaho hafhu wa Mudzimu u bva kha Mubebi wawe, ni a vhona, u tshipida Nae. Ni nga si kone u zwi landula, ngauri ni nga dilandula. Ni a vhona, ni na tshenzhemo, no gudiswa na u lingwa.

<sup>46</sup> Huno zwino, hoyu muthu nga u vha muporofita, o vha na u swikelela kha tshilidzi tsha Mudzimu, fhedzi Yobo ho ngo vha na Bivhili ya u vhala. Ene... Bivhili yo vha i sa athu u ḥwalwa zwezwo, fhedzi o vha na u swikelela kha Mudzimu nga nzumbululo na nga bono. Hezwo ho vha hu phanda ha musi Bivhili i sa athu u ḥwalwa.

<sup>47</sup> Zwino, ri wanulusa, huno ri dzhie zwinwe zwa vhutshilo hawe, musi Mudzimu a tshi mu fhaṭutshedza na u mu ita muthu muhulwane. Ndi ngani, na muṇwe na muṇwe o vha a tshi mu ḥonifha, na kha vhuṭali hawe, o vha a muhulwane. Thuthuwedzo yawe u bva kha Mudzimu yo mu khwathisedza u vha mulanda wa Mudzimu, zwi khagala, u swika vhathu vha tshi da u bva hoṭhe hoṭhe uri vha mu pfe. Huno zwenezwo Saṭhane a thoma u pomoka uyo munna. Huno heyo ndi ndila ine a ita mulanda muṇwe na muṇwe o ṭutuwedzeyaho wa Mudzimu, Saṭhane u dzulela u vha afho u mu pomoka nga ha zwoṭhe zwe a ita zwe khakheyaho.

<sup>48</sup> Huno, zwino, ri wanulusa uri vhutshilo hawe na milingo, na lutendo luhulu lwawe. Na Yesu, musi A tshi da kha lifhasi, O sumba u kondelela ha Yobo. O ri, “Naa a no ngo vhala nga ha u kondelela ha Yobo?” Lutendo lu lindela na u kondelela kha Ipfi lo fulufhedziswaho uri li vuledzeye.

<sup>49</sup> Zwino, ri dzhie nzele hafha uri Yobo, murahu ha musi a tshi fhira nga kha milingo, maṭhupho awe oṭhe... O vha a na muṭa wavhudi, o dzhielwa vhone. O vha a na mutakalo wavhudi, o vha o u dzhielwa. Tshirwe na tshiṇwe tshe a vha a tshi tshi vhusa kha vhuno vhutshilo tsho vha tsho dzhiiwa. Huno a dzula kha thulwi ya miłora, na tshipida tsha gwati, a tshi hwenga swimota zwawe. Huno na kha mufumakadzi wawe, a amba a tshi hanedzana nae, a ri, “Ndi ngani u sa semi Mudzimu, huno wa fa?”

<sup>50</sup> A ri, “Iwe u amba sa musadzi wa tsilu.” A ri, “Murena o nea, nahone Murena o dzhia, kha hu rendwe Dzina la Murena!”

<sup>51</sup> Zwino, Saṭhane o tea u da phanda ha Mudzimu, ngauri u a kona u da phanda ha Mudzimu, huno a pomoka Vhakriste (kana, vhatendi) tshifhinga tshoṭhe. Ngauralo a pomoka Yobo zwithu

zwinzhi, huno a ri “Yobo, mbuno ya uri a shumele Mudzimu, ndi ngauri tshiñwe na tshiñwe tsho vha tshi tshi khou tshimbila zwavhuđi khae.” Fhedzi a ri, “Arali Wa nga tou mu litsha nda mu wana, zwandani zwanga, ndi ḋo mu ita uri a U seme tshifhađuwoni Tshau.”

<sup>52</sup> Ndi khou ḫoda ni tshi limuwa uri fulufhelo līne Mudzimu a vha naļo kha mutendi. Ni a vhona? U tou vha... Nga maiwe maipfi, Mudzimu o ri kha Yobo... kana o ri kha Sāthane, sa hezwi, “U nga si zwi kone! U tou vha munna o itwaho o lugaho. Ndi munna wa u luga. Ene... a hu na a no ngo ene kha lifhasi lothe.” O munna-de nandi; ane Mudzimu Ene muñe a kona u ri kha swina Lawe, “Mulanda Wanga o khunyelela, a hu na muňwe muthu kha lifhasi a fanaho nae.” Oo! Arali ri tshi nga tou vha holwo lushaka lwa muthu! Ane Mudzimu a nga vheya ilo fulufhelo kha riňe! Ane a divha uri a ri nga bvi kha Ipfi Lawe kana Vhuene Hawe, nga ndila iňwe na iňwe! Dzulanî kokotolo, nahone A nga kona u vheya fulufhelo Lawe kha riňe.

<sup>53</sup> Zwino, Yobo o vha a munna we a hwala milayo ya Mudzimu yothe, kokotolo. Huno Sāthane izwo o zwi divha, fhedzi a ri, “Arali Wa nga tou ntendela nda mu wana, ndi ḋo mu ita uri a U seme tshifhađuwoni Tshau.”

<sup>54</sup> Ngauralo Mudzimu a mu vhudza, A ri, “Zwino, u zwandani zwau, fhedzi u so ngo dzhia vhutshilo hawe.” Huno Sāthane tatamuwa u ya nga hune a kona. A dzhia khonani iňwe na iňwe, na tshiñwe na tshiñwe tshe a vha a natsho, zwo ḫoda u vha vhutshilo hawe hothe, fhedzi o vha a sa koni u dzhia vhutshilo hawe. Fhedzi Yobo a isa phanda na u farelela, ho vha hu si na u humela murahu.

<sup>55</sup> Ni a vhona, musi munna kana muthu o vhuya a da kha u kwamana na Mudzimu, na holwo lwa vhukuma, lutendo lo dzumbululwaho lwa u ri “Mudzimu u hone!” A hu na tshithu, a hu na tshifhinga, fhethu na huthihi, tshire tshi nga fhandekanya hoyo muthu kha Mudzimu wawe. Ndi a tenda ho vha hu Paulo we a ri, “A hu na ḫupho, a hu na ndala, a hu na khombo, na tshivhumbwa tshi tshilaho, kana tsho faho, kana tshiñwe tshithu tshire tshi nga ri fhandekanya na lufuno lwa Mudzimu lune lwa vha kha Kristo Yesu.” No ima lwo tsireledzeyaho Khae ngauri no vha no telwa honovho Vhutshilo.

<sup>56</sup> Fhedzi Sāthane o elekanya uri a nga mu shandula u monanyana, huno a mu tumukanya, nahone a mu ita uri a zwi ite. Fhedzi, ni a vhona, Yobo na nzumbululo yawe yo khunyelelaho ya Mudzimu, na zwe Mudzimu O vha e zwone, na uri Mudzimu o mu funa hani, a lindela! Hu si na ndavha uri nyimele dzo vha dži mini, o lindela uri lutendo lwawe lu khwathisedzwe, ngauri o vha o farelela kha Mudzimu, nzumbululo. Hezwo ndo amba ngazwo vhusiku ho fhiraho.

<sup>57</sup> Zwino, musi vhatu vha lwalaho vha re ngomu tshifha<sup>toni</sup>, vhatu vho holehalaho, kana vhoinwi vhane na vha na <sup>thodea</sup> ya Mudzimu, musi ni tshi nga wana holwo lushaka Iwa nzumbululo ya uri na “itwa vho lugaho,” musi no itwa o lugaho kha u humbelo tshithu tshine na khou humbelo, na tenda zwauri “Ndi Ene Mukovheli wa avho vhane vha Mu <sup>ṭoda</sup>,” a hu na tshithu tshine tsha nga vhuya tsha ni fhandekanya kha ulwo lutendo lwo ombelwaho kha inwi. Ni a vhona? Fhedzi, tsha u ranga, ni tea u zwi dzumbulelwa.

<sup>58</sup> Muñwe muthu o da a si kale, tshigwada tsha vhatu, vhañwe vhavho vho thetshelesa madekwana a <sup>namusi</sup>, huno vha mmbudza, vha ri...ndi dzulela u vha vhudza, “Tshimbilani Kentucky, oili i fhasi henengei.” Ndo vha ndi tshi zwi ḋivha, ndo zwi vhona kha bono.

<sup>59</sup> Zwo luga, Mukomana Demos na avho vha sa ye lwa tshifhinga tshilapfu. Ho no fhela tshifhinganyana, mafheleloni, vha ri... Murahu ha Texas vho pfulutshela ngomu. Huno vha ri, “Zwino ri khou tsa ngei fhasi.”

<sup>60</sup> Nda ri, “No vha no fanela no ya kalesa.” Fhedzi vha si zwi ite.

<sup>61</sup> Demos a ri, “Ndo ita phoswo khulu kha izwo, nga u sa zwi ita, Mukomana Branham.”

<sup>62</sup> Nda ri, “Arali no vha no tsela ngei fhasi, no vha ni tshi ḍo vha ni nayo no<sup>ṭhe</sup>.”

<sup>63</sup> Zwo luga, vha si zwi thetshelese. Zwenezwo tsha u tou thoma... zwenezwo phanda ha musi ri tshi <sup>tuwa</sup> uvho vhusiku... Afho—afho fhethu he ra vha ri khou <sup>la</sup> zwiliwa zwa masiari. Muya Mukhethwa wa ntsumbedza mutwe muhulu kha lifhasi, huno heneffo ho vha ho <sup>ḍala</sup> oili, huno uhu u elela ngei Kentucky ho vha hu tshi tou vha mimbete miṭuku ya oili ye vha vha vha tshi khou ka khayo, fhedzi haya a bva kha tshisima tshihulwane. Huno nda ri, “Mukomana Demos, a hone.”

<sup>64</sup> Ngauralo vha ya u zwimana nao. Vha ri, “Itsa huno u ri vhudze hune itshi—hune itshi tshisima tsha oili tsha vha hone.”

<sup>65</sup> Nda ri, “Oo, hai! Hai! Hai!”

<sup>66</sup> Ni a vhona, a ri shumisi mpho ya Mudzimu kha zwa makwevho. Hai! Hai! A nga mmbudza he a vha a hone, fhedzi a thi na <sup>thodea</sup> yazwo. Ndi nga si vhuye nda vha na lutendo lwo <sup>edanaho</sup> u Mu vhudzisa. Ni a vhona? Arali ndo vha ndi na <sup>thodea</sup> yazwo, ndi a tenda uri arali nda Mu vhudzisa, A nga mmbudza. Fhedzi tsha u thoma, ni a vhona, <sup>thuthuwedzo</sup> dzanu na zwipikwa zwi tea u vha zwone. Ni tea u vha na mbuno dza izwi. Mudzimu ha ni <sup>nei</sup> izwo zwithu nga u tou ri no humbelo. Huno ni nga si humbele kha lutendo nndani ha musi hu na tshipikwa kha izwo, u vha kha lufuno lwa Mudzimu. Ni a vhona, arali ni tshi khou <sup>ṭoda</sup> u fhola, ni khou <sup>ṭoda</sup> u fholela mini? Ni

a vhona, arali ni tshi khou ṭoda u fhodzwa, ndi dzifhio mbuno dza u ṭoda phodzo? Ndi mini zwine na khou vhudza Mudzimu? Ni khou ṭoda u ita mini nga vhutshilo hanu musi ni tshi fhola? Ni a vhona, hu tea u vha na . . . ni tea u vha na ḥthuwedzo na tshipikwa, nahone zwi tea u vha zwi kha lufuno lwa Mudzimu. Huno zwenezwo musi ni tshi dzumbululelwa lutendo, huno Mudzimu nga tshilidzi tshawe tshihulu u vheya ulwo lutendo ngomu afho, zwenezwo zwe fhela. Ni a vhona? Zwino vhonani?

<sup>67</sup> Zwino, u ita uri heļo Ipfi li vhe la ngoho, musi vharathu vha tshi swika afho fhasi, vha wana . . . muňwe a gonya n̄tha nahone a renga zwithu zwinzhi, huno a rengisa nga thendelano, huno a fhura muňwe nga heyi n̄dila. Nda ri, “Ni a vhona, a zwi nga shumi.” Zwino u tou ita uri *tshiporofito* tshi vhe tsha vhukuma, kha mielo ya ɻana ya hune havha vhanna vho vha vha tshi khou gwa hone tshisima tshavho, vhaňwe vhanna vha swika kha gubunya lihulu. Huno yo vha i henefho, mabarele a mađana a fuminthihi a oili nga hafu ya ɻuvha, kana tshiňwe tshithu kana tshiňwe tshi nga ho itscho; vha tshi kha di i bvisa, henefho ka tshila tshisima tshihulwane. Fhedzi u tou ita uri *tshiporofito*, Ipfi lo ambiwa uri a hone afho, yo vha i hone. Inwe yayo yo ṭoda u oma, hothe hothe u mona na Kentucky. Matzhava matuku, vho a bommba hu si ɻale, a fhela. Hu tou vha u bvuda u bva kha *hetshi*. Ni a vhona?

<sup>68</sup> Fhedzi, nga nthani ha tseda ye ya dzhena vhukati hazwo, tshipikwa tsho vha tsho khakhea, u saina zwithu zwinzhi “zwi do vha nga *heyi* n̄dila,” musi vho fulufhedzisa uri vha do zwi ita u itela Muvhuso wa Mudzimu, fhedzi zwi vhonala unga ndi zwa vhone vhaňe. Ni a vhona?

<sup>69</sup> Huno a zwi nga shumi, a hu na tshithu tsha vhutseđa tshine tsha do shuma. ḥthuwedzo dzaňu na zwipikwa zwi tea u vha kokotolo, dzone lwo khunyelelaho, zwenezwo ni na lutendo, lwa u humbelo. “Arali mbilu dzashu dzi sa ri haṭuli, zwenzwo ri na fulufhelo.” Ni a vhona? Ni a vhona, ri tea u vha na fulufhelo. “Ndi khou toda hezwi u itela ḥhonifho na vhugala ha Mudzimu.” Zwenezwo lutendo lu na—na n̄dila ya u ya khazwo; arali lwa sa ralo, zwenezwo ni a lwala muhumbulo, lutendo lwa khumbulelo, huno hu si lutendo lwa vhukuma lu bvaho ha Mudzimu. Holwo lutendo lwa khumbulelo a lu nga ni isi fhethu. Lu nga ni takusa zwipfi, fhedzi a lu nga ni ɻei phodzo ine na khou ṭodana nayo.

<sup>70</sup> Ngauralo, Yobo, a tshi diṭola nga lutendo lwa vhukuma lwe Mudzimu a mu ɻea uri u “muvhuya,” uri o ita tshiňwe na tshiňwe tshe Mudzimu a tshi ṭoda uri a ite. Zwino musi ri tshi khou ya u rabelelwa, u itela malwadze ashu, ndi a kanakana arali ro ita tshiňwe na tshiňwe tshine Mudzimu a ri ṭoda ri tshi ita. Naa ro tevhela ipfi liňwe na liňwe la Luňwalo? Naa ro Mu ɻetshedza mbilu dzashu na u tshila u itela tshumelo? Ndi ifhio mbuno ni tshi ṭoda u fhodzwa? Heyo ndi yone mbuno ni sa wani lutendo lwo eđanaho, ni a vhona, ngauri khaňwe a ni ngo ita hetshi

tshithu kha vhungoho ha Mudzimu u bva mbiluni yanu. Sa zwe Hesekiele a ita, neani Mudzimu mbuno, o ṭoda u vheya wawe—muvhuso wawe nga ngona. Huno Mudzimu a rumela muporofita Wawe murahu nahone a mu vhudza, nahone uri u do fhola. Ni a vhona? Fhedzi, ni tea u lugisa hezwo zwithu, u thoma.

<sup>71</sup> Ngauralo musi ni tshi swika hafha fhethu na divha uri zwe dzumbululwa kha inwi nga Ipfi la Mudzimu, nga nzumbululo, nga Ipfi line Mudzimu a ṭoda uri inwi ni li ite, zwenezwo ni na lutendo, lutendo lwa vhukuma.

<sup>72</sup> Zwino, sa Abrahamu musi a na miwaha ya fuṭahe-ṭahe. Ndi a tenda, Genesi 17. Mudzimu o divhonadza kha hoyu mukalah, zwino, miwaha ya fuṭahe-ṭahe, musi a tsini na u vha na miwaha ya ḥana, hoyo o vha a tshi khou lindela heyo pfulufhedziso lwa heyi miwaha yoṭhe. A divhonadza khae nga dzina la *El Shaddai*, a re “Ene wa madamu.” Huno iyo yo vha ṭhuthuwedzo ya hani, fhedzi pfulufhedziso yo vha i sa athu u vuledzea. Fhedzi, “Abrahamu, ndi Nne Mudzimu Ramaanda-oṭhe, *El Shaddai*, ‘Muṇei wa nungo, Mudzimu wa Maḍamu.’”

<sup>73</sup> Vhunga ndo ni vhudza u rangani, sa lushie luṭuku lu no khou dzindela, na u lwala, na u lila, huno lwa edela kha ḫamu la mme alwo. Huno lu ilafha nungo dzalwo u bva khavho, ngauri lu fushea musi lu tshi khou ilafha, ngauri tswikelelo i yoṭhe lune lwa vha nayo na ine lwa i divha ndi ḫamu la mme. A lu divhi tivha la mushonga. Ni nga lu nea tivha la mushonga, lu do ongolela na u lila. Lwu rweni kha tshanda, huno lu do isa phanda. Fhedzi tswikelelo i yoṭhe ya u lu fusha ndi ḫamu la mme.

<sup>74</sup> Huno A ri, “Abrahamu, wo aluwa, nahone nungo dzau dzo ṭuwa, zwanda zwau zwe onyana, vhunna hau ho fhela, fhedzi Ndi nne Mme au. Itau farelela kha pfulufhedziso Yanga, huno u fushwe musi u tshe wo lindela. Awedzwai!”

<sup>75</sup> Zwino, heyo ndi ndila ine mutendi muṇwe na muṇwe, hu si na ndavha uri pfuko yo vhifha u guma gai ine na vha nayo, no dzula kha wilitshea lwa tshikhala tsha hani, tshiṇwe tsha izwo zwithu, na tou kona u fara iyo nzumbululo i bvaho ha Mudzimu! Zwenezwo na fushea, ni tshi divha uri zwi khou ya u itea, ngauri lutendo lu lindela lu tshi kondelela u itela pfulufhedziso. Ni a vhona?

<sup>76</sup> Yobo o zwi divha u ri o vha o luga. Musi ri tshi wanulusa, hafha kha Maṇwalo, uri ho vha hu na... havha vhatu vho ḫa khae; mirado ya tshihidzo tshawe. Tshiṇwe na tshiṇwe tshe tsha vhuya tsha vhonalu tshi tsha vhudi khae tsho mu shandukela, na u lingedza u mu pomoka u vha muitazwivhi wa tshiphirini, ngauri hezwi zwithu zweoṭhe zweo itea khae. Ni pfa vhatu, na ḫamusi, vha tshi ri, “Ndo ni vhudza. Mu lavheleseni! Ni a vhona uri mini...?” Hezwo a si ngoho zweoṭhe. Tshiṇwe tshifhinga ndi Mudzimu a tshi khou linga vhatu Vhawé. Kha heyo nyito, ho vha hu Mudzimu a tshi khou linga Yobo, munna wa khwiṇe we a

vha a hone kha lifhasi nga itsho tshifhinga. Zwino, O vha o mu fara, ngauri O ɖivha uri Yobo o vha a muporofita we a vha na bono u bva ha Mudzimu, uri o ita kokotolo zwe Mudzimu a mu vhudza uri a ite huno a . . . Mudzimu o vha o vhofhea u vhulunga pfulufhedziso Yawe khae.

<sup>77</sup> Oo! Vhakriste vhothe vha tea u vha izwo. Musi u tambula ha u fhedza ha vhutshilo hashu hu tshi da, huno lufu lu tshi ita phosho gulokuloni ɬashu, ri tea u farelela ro khwaṭha nahone ra elelwa uri Mudzimu o ri, “Ndi do ni vusa hafhu nga ḫuvha la u fhedza.” Ni a vhona? Ni khou tea u farelela itsho—itsho, vhuṭanzi hashu, fhetu hashu kha Kristo, vhuimo hashu, zwine ra vha zwone, ri tshi ɖivha uri ro tevhedza Ipfi liñwe na liñwe la mulayo Wawe. “Vhamashudu ndi avho vhane vha tevhedza milayo Yawe uri vha vhe na pfanelo ya u dzhena ngomu.” Ni a vhona? Huno musi ri tshi ɖivha, uri hu si na ndavha zwine muñwe muthu a amba, ro tevhedza ndaelo dzothe dzine ra dzi vhona kha Bivhili, dze Mudzimu a ri itela . . . a ri vhudza uri ri ite, nga u dzika, na lufuno, na ḫonifho kha Musiki We a ḫwala Bivhili.

<sup>78</sup> Ri ri, “Muthu o I ḫwala.”

<sup>79</sup> “Vhathu vha kale, vho tshimbidzwa nga Muya Mukhethwa, vho I ḫwala.” Ni a vhona? Ni a vhona, Mudzimu o I ḫwala nga kha muthu. Vhunga muporofita a tshi amba Ipfi Lawe, a si ipfi ḫa muporofita, ndi Ipfi ḫa Mudzimu, ni a vhona, nga kha muporofita. Heyo ndi yone mbuno Li tshi tea u vuledzea, arali zwavhukuma ḫa Ngoho.

<sup>80</sup> Zwino, ri vhona hoyu muthu muhulu. Huno, elelwani, Yobo o vha a si na Bivhili ya u vhala ḫuvhani ḫawe. Hai! O vha a tshi tou tshimbila nga ḫuṭhuwedzo. O vha a muporofita ane Ipfi ḫa Murena la da khae. O vha a—o vha a tshi tou tea u ṭuṭuwedza, ngauri o ɖivha vhuimo hawe ha uri o vha a muporofita wa Mudzimu. Zwino, tshithu tshi tshothe tshire tsha khou tea u itea, ho vha hu musi ḫuṭhuwedzo i tshi da khae. Huno zwenezwo o zwi ɖivha uri zwe a amba zwi do itea, ngauri ho vha hu nga ḫuṭhuwedzo.

<sup>81</sup> Hezwo ndi zwine tshivhidzo, arali tshi kha nzudzanyo (tsho vhekanywa nga nzudzanyo), tshi tou . . . tshi na zwivhumbwa zwo lugelaho, tshi khou tou ḫoda fhedzi zwishandukwa. Madekwana a ḫamusi, arali ra lugisa zwivhumbwa, ra lugisa dzimbiyu dzashu, zwithu zwine ra kona u zwi ita, ra tevhela Ipfi liñwe na liñwe, ra Mu tevhela kha ndovhedzo, ra Mu tevhela kha mbekanyo inwe na inwe ine A ri vhudza uri ri i ite, ra lugisa tshivhumbwa tshiñwe na tshiñwe, huno ra ima heneffo; zwenezwo ro lugela zwishandukwa uri ri fungwe, huno ndi Mudzimu a eṭhe ane a nga ita izwo; huno hezwo ndi u rothisela mbiluni yañu ulwo lutendo lune lwa ri, “Ndo fhodzwa zwino.” Zwenezwo a zwi iti phambano uri nyimele i hani, no fhodzwa zwo ɖiralo; ngauri ndi lutendo, nga lutendo no fhodzwa.

<sup>82</sup> O vha a na ndila ya vhudavhidzani na Mudzimu, ine a i wana nga ḥuthuwedzo. O vha a na ndila ya u ḏibvisela nn̄da, huno a tendela Mudzimu a dzhena ngomu. Huno o vha a tshi zwi ḏivha uri o itwa o lugaho. Ho vha hu mpho, ho vha hu mpho u itela vhathe; hu si ya Yobo, fhedzi u itela vhathe. Ndi zwezwo fhedzi zwine mpho Khethwa dza vha zwone, ndi dza u shumela vhathe vha Mudzimu. A si muthu muñwe na muñwe o vhetshelwaho u vha muporofita. Inwi nothe a ni . . . a ni ngo vhetshelwa u rabelela vhalwadze. Avho vhothe a vho ngo vhetshelwa u vha vhafunzi, na zwiñwe zwothe. Fhedzi ndi ndila ye Mudzimu a vha vulela. Huno i tou vha sa zwe ra vha nazwo ano matsheloni kha ngudo, uri ene . . . Muthu muthihi ha na mushumo wa u dzhenelela kha ndila ya muñwe muthu, hu si na ndavha uri o ḥutuwedzea hani, zwi vhonala zwi hani, ndi zwavhuđi hani . . . Ndi vhangana vhe vha vha vha muñanganoni ano matsheloni? Kha ri vhone tshanda tshañu. Ni a vhona? Ni a vhona, ni nga si ralo.

<sup>83</sup> Hu na Davita, o ḥutuwedzea nga ndila ye a vha o ralo, vhathe vhothe vha tshi khou ḥuwelela na u nea Mudzimu vhugala, nga mbuno ye ya vha i tshi vhonala i kha Luñwalo, fhedzi o vha a muthu a si ene. Heyo ḥuthuwedzo ngavhe yo da kha Nathaniele, hu si Davita. Ni a vhona, ho ngo vhuja a vhudzisa Nathaniele. Ni a vhona zwe zwa itea? Ni a vhona, ri na . . . Mudzimu o ri Ene “ha iti tshithu u swika A tshi Tshi dzumbulula kha vhalanda Vhawe vhaporofita.”

<sup>84</sup> Huno Yobo o vha a hoyu muporofita kha heli ḏuvha. Zwino, tshithu tshi tshothe tshe Mudzimu a ita kha Yobo: Zwine zwa dzulela u mu nea vhuđali na Ipfi Lawe na ḥuthuwedzo, o vha a sa wani ḥuthuwedzo na nthihi. Fhedzi o vha a tshi ḏivha zwothe nga ha zwivhumbwa zwawe (o ḥetshedza tshiḥavhelo tshi dugaho, o ita tshiñwe na tshiñwe tshe a ḏivha uri ndi tshone uri tshi itwe), fhedzi o vha a sa koni u wana ipfi u bva ha Mudzimu. Fhedzi diabolo o vha a sa koni u mu dzinginyisa! Khezwo ha.

<sup>85</sup> Zwino, ni vha henefho musi no rabelelwa. A ni tei u gidimela murahu kha muduba, kana na ḫuwa na tendela muriwe muthu a tshi ni rabelela. Musi ni tshi ḏivha uri no ita kokotolo zwe Mudzimu a ni vhudza uri ni ite, ni a vhona, zwenezwo lindelani ndila ya ḥuthuwedzo uri i ni vuletshole, huno, “Zwino ndo fhola!” Musi zwi tshi rothela ngomu afho, zwenezwo zwothe zwo fhela. Oo, a ni ḫodi miduba wa thabelo, na tshithu na tshihihi, zwo fhela! No zwi dzumbululelwa! Ni a vhona?

<sup>86</sup> Vhunga muporofita wa kale kha u vhuja ha Murena Yesu, ri wanulusa uri o vha o zwi dzumbululelwa, dendele la kale, lo ri “ha nga vhonji lufu u swika a tshi vhona Murena Kristo.” Huno a tenda Izwo, nahone a Zwi lindela. Huno vhathe vha elekanya uri o vha a tshi khou penga, mukalaha o xeletlw̄a nga muhumbulo wawe. Fhedzi a isa phanda na u Zwi tenda! Ho vha hu si na tshithu tshine tshi nga mu dzinginyisa Khazwo, o vha a tshi zwi

divha uri Mudzimu o mu dzumbululela Zwone, ngauri Bivhili yo ri, "Zwo dzumbululwa khae nga Muya Mukhethwa."

<sup>87</sup> Simioni a tshi khou da Themmbeleni nga ula miniti, a sendela nahone a nea Mudzimu thendo, huno a ri, "Litsha mulanda Wau a tuwe nga mulalo." Musi a tshi takula luskie, "Maṭo anga o vhona u tshidza Hau." Ni a vhona, o vha a tshi zwi divha uri u khou ya u Zwi vhona. Hu si na ndavha uri hu na vhushie vhungana he a vha a tshi dalela duvha linwe na linwe, o zwi divha uri Mudzimu o mu dzumbululela uri u khou ya u vhona Kristo phanda ha musi a tshi lovha. Simioni o tenda izwo.

<sup>88</sup> Zwino musi no zwi dzumbululela, uri inwi munye no tanganedza pfulufhedziso ya Mudzimu; thuθhuwedzo, inwi nga u vha Vhakriste, zwi a ni gavha, a ni tsha vhuya na ḥoda na muduba wa thabelo. Tshithu...tshithu tshi tshoθhe tshire na ḥoda ndi mbilu yo vuleaho musi zwivhumbwa zwoθhe zwo lugela, na tendela thuθhuwedzo ya rothela ngomu, huno zwenezwo a hu na tshinwe tshithu tshi nga shandukisa muhumbulo wanu; ni natsho. Nndani ha hezwo, a zwi nga ni thusi nga tshithu.

<sup>89</sup> Zwino dzhielani nzhele, Yobo o ḥoda ndila ya thuθhuwedzo, yo vha yo vulea khae. O vha a na ndila ya vhudavhidzani na Mudzimu, nga thuθhuwedzo Yawe. O vha a na ndila ya u dibvisa nahone a tendela Ipfi la Mudzimu li tshi dzhena ngomu. Dzhielani nzhele uri vho—vho da hani u mu vhudzisa u bva Vhubvađuvha na u bva Vhubvahela, vhathu vha tshi khou ḥodana nae ngauri vho vha vha tshi zwi divha uri zve Yobo a amba ho vha hu Ngoho. Vho vha vha tshi zwi divha uri ula munna o amba Ngoho. Ngauri, zve a porofita, ndi zwine zwa itea! Huno zworalo vhathu vha do vha tshi bva Vhubvađuvha na Vhubvahela.

<sup>90</sup> O ri u do yela mimaketeni, huno mukololo muṭuku a bvaho Vhubvađuvha u do kotama phanda hawe, u tou pfa ipfi lithihi la phumudzo u bva khae, vhuṭali hawe vhuhulu nahone ha maanda, ngauri vha a zwi divha uri munna o vha a tshi fulufhedzea. O vha a sa ḥodi u dikukumudza, o vha a si na mbado ya u vhada, a si na ḥale dza u kokodza, o vha a tshi sokou vha muporofita wa u fulufhedzea phanda ha Mudzimu. Huno vho vha vha na fulufheloo khae, huno muñwe na muñwe a da a tshi bva Vhubvađuvha na Vhubvahela u tou amba nae lwa tshikhalañyana. O ambwa nga hae, kha Bivhili hafha. Fhedzi, ni a vhona, o ḥahelelwa nga thuθhuwedzo ya u mu vhudza uri izwi zwoθhe zwo vha zwi nga ha mini. Mudzimu o zwi tendela zwa itea, a si mu vhudze.

<sup>91</sup> Zwenezwo, linwe duvha, ri wanulusa uri kha izwo, hetsho ndi tshifhinga tshe... Muñwe na muñwe, tenda ni tsha vha thusa, "Zwoθhe zwo luga." Fhedzi musi vha tshi ḥoda u hanedzana na inwi, hafho ndi hone hune thaidzo ya bvelela. Fhedzi ene a eṭhe o zwi divha uri o vha a kha ngoho; u rwa ha lutendo Iwawe, lwa u pfa Ipfi la Mudzimu li tshi amba nae,

o zwi divha uri Lo vha li Ngoho. Ee, muñe wanga! O divha Ipfi la Mudzimu. Ho vha hu si na ane a nga mu fhura Khalo, ngauri o vha a tshi Li divha. Lone... Fhedzi hothe hothe hune inwi... no dzumbululelwa tshiñwe tshithu, khañwe tshi tshi hanedzana na zwine vhathu vha elekanya... Zwino, ndi khou amba kha mutevhe wa vhaporofita. Musi hu Mudzimu a tshi khou dzumbulula tshiñwe tshithu, tshine, arali hu na tshiñwe tshiphiri tshi bvalo ha Mudzimu tshi tshi tea u divhiswa vhathu, tshi nga si de nga kha seminar, tshi nga si de nga kha tshigwada tsha vhathu, a tshi ngo vhuya tsha ralo. Tshi do dzulela u ralo, tsho ralo, nahone tshi do ralo, nga kha muthu a eþhe, muporofita! Amosi 3:7, ni a vhona, "Murena ha iti tshithu nnðani ha musi O Tshi dzumbulula nga kha vhaporofita Vhawe."

<sup>92</sup> Huno, zwino, Yobo o vha a na tshiñwe tshithu tsho khakheyaho khae, fhedzi o vha a sa koni u wana þuthuwedzo khae, huno zwe vha zwi tshi khou mu vhilaedza, huno hezwo... musi ni tshi swika kha uho u þanganana, hafho ndi hone hune swina la dzhena kha khonani inwe na inwe, tsini-tsini, no wana. Huno vha thoma u mu pomoka. Oo, zwi nga vha zwe vha zwithu zwi shonisaho uri a divhe khonani dzawe dzo mu pomokaho, zwenezwo Sañane a þuwa huno a dibadekanya na swina. Hafho ndi hone musi Sañane a tshi dzhena, "Ntendele ndi mu fare, huno ndi do mu ita uri a U seme kha Tshau... ndi do mu ita uri a landule Mulaedza wawe. Ndi do mu ita uri a U seme. Ndi do mu ita uri a humele murahu nahone a ri 'Zwoþhe zwe vha zwe khakhea.'" Zwenezwo o mu linga nga zwoþhe zwine o kona, kha vhoþhe vhathu vhahulwane na dzikhonani dze a vha a nadzo. Fhedzi Yobo a ima o dzingindela mulenzhe, ngauri o zwi divha uri o pfa Ipfi la Mudzimu!

<sup>93</sup> O Mudzimu, thusa, vhusiku ha matshelo, uri ndi kone u disa uyo *Phapha Dza Liivha*. Ndo pfa Ipfi la Mudzimu le la amba tshiñwe tshithu, nahone tshi khou ya u itea nga u ralo! U tou fana na musi hezwi zwiñwe zwithu zwe itea, zwi khou ya u itea!

<sup>94</sup> Zwino, Yobo o zwi divha uri zwe vha zwi tshi khou ya u itea. Huno o divha na uri Mudzimu o mu vhudza izwo, uri o vha "o luga." Fhedzi vho mu ita muitazwivhi, ngauralo a lindela þuthuwedzo. Sañane a tshi khou dzhena kha vhoþhe—vhathu nahone a bvelela u mona na... na vhafhumudzi vhawe, vha divhidzaho, huno vha tshi khou mu pomoka, fhedzi zwi si mu dzinginyise na luthihi. Fhedzi musi Ipfi la Mudzimu li tshi khwathisedzwa khae... O pfa nga ha Mudzimu nga kupfele kwa ndevhe, fhedzi liñwe duvha o dzula kha uvhu vhuimo ha fhasisa... Huno musi o dzula heneffo, na muñwe na muñwe a tshi khou mu pomoka, na mufumakadzi wawe a tshi khou mu vhudza u ri "o khakha," o vha a tshi khou ñwaya zwimota zwawé. Huno Elihu a bvelela huno a mu kaidza kha u dihumbulela, nga ndila ye o vha a tshi khou pomoka Mudzimu na zwiñwe.

<sup>95</sup> Huno zwenezwo nga itsho tshifhinga ndi hone he ḥuṭhuwedzo ya da khae, hezwo ndi musi phenyo dzi tshi thoma u penya, mithathabo ya thoma u vhomba, hezwo ndi hone he ḥuṭhuwedzo ya da kha muporofita, huno a takuwa, huno a ri, “Ndi a divha Murengululi wanga u a tshila! Huno mađuvhani a u fhedza U do ima kha lino lifhasi. Naho mbungu dza lukanda dza tshinyadza uno muvhili, fhedzi ɿamani yanga ndi do vhona Mudzimu, Ane nda do tou divhonela.”

<sup>96</sup> O vhona... O vha a tshi khou amba nga ha miri, vhutshilo ha ḫaka, uri i fa hani huno ya dovha ya tshila; mađi a i vhuisa murahu, munukhelelo wa mađi, munukho wa mađi, myelelo dza mađi a tshi shelwa kha muri kana tshiñwe tshithu, mbeu ine ya wela fhasi mavuni. A ri, “Fhedzi muthu u edela fhasi a netshedza maya, vhana vhawe vho da u mu hulisa fhedzi a si zwi ṭalukanye. O uri Iwe u ndzumbe vhidani” (Yobo 14) “u swika mbiti Dzau dzi tshi fhira.” A ri, “Fhedzi arali muthu a lovha, naa u do tshila hafhu? Zwifhinga zwoṭhe zwo rekanyaho zwa vhutshilo hanga, ndi do lindela u swika tshanduko yanga i tshi da. Iwe u do mmbidza, nahone ndi do fhindula. Iwe wo tendela mbofho ha nñe dzine a thi koni u dzi fhira,” na zwiñwe. O vha a tshi divha hezwi zwithu zwoṭhe. O lavhelesa muri u tshi tshila, fhedzi hu itea mini kha muthu musi a tshi lovha? Ho ngo vuwa hafhu. Ngauralo, Mudzimu o vha a tshi khou mu sumbedza hoyu Murengululi.

<sup>97</sup> O vha a tshi khou ḫoda u vhona arali hu na muñwe muthu ane a nga mu rabelela. O no rabelela vhatu vhanzhisa, fhedzi zwino naa u hone muñwe muthu ane a nga mu ambela? Naa hu nga vha na muñwe muthu ane a nga vheya tshanda tshawe kha Yobo, kana kha muthu muvhi na Mudzimu Mukhethwa, nahone a ṭumanya ndila? Naa a nga ya nduni Yawe nahone a khokhonya muñangoni? Musi A tshi vula muñango huno a amba nae lwa tshikhalyana?

<sup>98</sup> Fhedzi, zwenezwo, musi ḥuṭhuwedzo yo rothela mbiluni yawe, zwenezwo o vha a tshi kona u vhona Mudzimu. Phenyo dzi tshi khou penya, mibvumo i tshi khou bvuma. Huno musi zwi tshi ralo, a ima nga milenzhe yawe, huno a ri, “Ndi a divha Murengululi wanga u a tshila! Murengululi wanga, huno mađuvhani a u fhedza U do ima kha lifhasi.” Ni a vhona, o thoma u vhona maitele a Mudzimu kha lutendo lwawe.

<sup>99</sup> Zwino, ri a vhilaela arali ri tshi nga kona u vhona Mudzimu. Naa i hone ndila ine ra nga kona u Mu vhona? Zwino, yo vha i yone ndila i yothe ye Mudzimu o vha a nayo, u lingulula Yobo. A ri, “Ndo pfa nga ha Iwe, nga kupfele kwa ndevhe dzanga, fhedzi zwino ndi a U vhona. Fhedzi zwino ndi a U vhona, nga mađo anga.” Bono ḥa a sa vhonali lo bviselwa khagala. O vhona gole li tshi tibuwa, o pfa u penya ha phenyo, kana u i vhona. Huno a pfa u bvuma ha mithathabo, khañwe duvha lo ṭavha, nahone a vhona Mudzimu we a vha a kha ilo gole na kha idzo phenyo. O vha a tshi kona u vhona Mudzimu, nga mađo awe a ɿama. Ni

a vhona, ngauri a sa vhonali o vha o itwa a vhonalaho. Bono li vhonalaho la vhañwe lo vha lo khwathisedzwa, zwi khagala, kha maño a ñama.

<sup>100</sup> Zwi tou nga lutendo lu na mishumo, sa zwe zwa ambiwa nga hazwo vhusiku ho fhiraho. Abrahamu, ha na...o vha a si na Bivhili ya u vhala nae-vho, fhedzi o vha a muporofita, bono lawe na lutendo lwawe. Huno zwe vha zwi tshi vhonala zwe khak̄hea kha vhañwe uri a elekanye nga yeneyo ndila, uri a elekanye uri vho vha vha tshi khou ya u vha na lushie. Fhedzi zwe ralo vho vha na lushie, ngauri bono lawe la lushie zwe vha zwe zwe a vha a tshi khou amba ngazwo, “Ndi khou ya u vha nalwo! Ndi khou ya u vha nalwo!” Fhedzi musi lushie lu tshi bebwa, zwenezwo vhañwe vhathu who vha vha tshi kona u vhona nga maño avho zwe a vhona kha bono. Huno musi ni tshi ya u tshila zwine na tenda mbiluni yanu, zwenezwo vhathu vha a divha Mudzimu, na u divha zwine zwa khou itea kha inwi, nga ndila ine na tshila. Heyo ndi yone ndila ine na vhona Mudzimu nga liþo lanu. Fhedzi khae, zweþe zwe a ita zwe zwa vha zwi zwavhuði, zweþe zwe a itela vhañwe, o toda muñwe muthu uri a mu rabelele. Musi mabebo a lushie a tshi swika, Isaka, yone—yone thuthuwedzo ye ya mu rangela phanda kha hezwi yo khwathisedza bono lawe u swika hune vhathu vha kona u vhona uri zwe a vhona kha bono zwe vha zwi Ngoho.

<sup>101</sup> Zwino, tshiñwe tshifhinga hohu u divhita huhulu ha lutendo hu bvelela kokotolo nga tshifhinga tsha khakhathi. Kanzhi ndi khakhathi dzine dza ri isa kha hezwi. Ho vha hu khakhathi dzo isaho Yobo khazwo. Ndi ngani, o vha a magumoni a vhutshilo hawe. Vhana vhawé vho vha vho lovha; dzigamelia dzawé. Huno thundu dzawé dzoþhe dzo vha dzo fhela nahone dzo tshinyadzwa. Huno vhutshilo hawe ene mune, o vha o kwashékana u bva kha khare ya thoho yawe u ya kha ñayo dza milenzhe yawe nga zwimoto. Ho vha hu khakhathi, zwe a di kombetshedza, hafho ndi hone he thuthuwedzo ya ða khae.

<sup>102</sup> O vhanna na vhasadzi, madekwana a ñamusi, arali ni tshi nga lavhelesa u mona nahone na vhona uri ro sendela hani kha u Vhuya ha Murena. Vhoiñwi no bvulaha ndovhedzo ya Muya Mukhethwa. Ni nga digogodézwa nga zwiñwe zwipfi, kana tshiñwe tshithu tshire no ita tshire Sañhane a kona u tshi kopela, huno ni sa koni u vha na Muya wa vhukuma ngomu hanu wa u ni tshimbidza ndila yoþhe kha pfulufhedziso dza Mudzimu. Haniha uri muthu ane a divhidza sa ane a vha na Muya Mukhethwa a tshi nga landula Ipfi lithihi la ino Bivhili, sa line, “a si lone”? Ni nga si zwi ite!

<sup>103</sup> Zwi si na ndavha uri ni wa vhurereli hani, uri ni wela kha zwivhidzo zwingana, uri dzina lanu li kha dzibugu nngana, arali Muya Mukhethwa wa vhukuma u kha inwi (zwine zwa vha heli Ipfi lo vhonadzwa), ni do vhona Mulaedza na awara, ngauri ndi Muya Mukhethwa une wa zwi ita. Fhedzi hu tea u vha na tshiñwe

tshithu tshi no u zwi funga, thūthuwedzo i tshi da kha inwi. Huno arali hu na . . . arali na shela mađi kha mavu, kha mavu, kha mavu, huno hu si na mbeu henefho ya u swika khayo, a nga vhuya hani a bveledza tshiñwe tshithu? A hu na tshithu henefho tsha u bveledza. Hezwo ndi, uri Vhanangiwa fhedzi vha Mudzimu vha do Zwi vhona.

<sup>104</sup> Vhanangiwa vha Mudzimu vho Zwi vhona nga tshifhinga tsha Noaxe, tshifhinga tsha Mushe, tshifhinga tsha Yesu, tshifhinga tsha vhaapostola, tshifhinga tsha Luther, tshifhinga tsha Wesley, tshifhinga tsha Pentekostała, ngauri heyo yo vha i Mbeu ye ya vha i kha lifhasi musi thūthuwedzo i tshi shelwa. Zwino musi thūthuwedzo i tshi shelwa, uri i kuvhanganye Muselwa, ndi havho Vhanangiwa fhedzi vhane vha do Zwi vhona. Yesu o ri, “Ndi a U livhuwa, Khotsi, uri Iwe wo dzumba hezwi zwithu kha mađo a vhačali na vhadivhhi, huno wa Zwi dzumbulula kha vhuskie vhune ha do guda.” Zwino, thūthuwedzo yo swika khazwo.

<sup>105</sup> Zwino, musi thūthuwedzo i tshi da khae, hezwo zwo zwi kona. O vha a Nazwo zwenezwo! Zwino, ri wanulusa, hu da tshifhinga tsha hedzi khakhathi musi mutsiko u kati. Huno ni lavhelesa u mona ńamusi, lavhelesani kha nyimele ine ra khou tshila khayo. Naa a ri khou tshila kha Sodoma na Gomora la tshizwino? Naa shango a lo ngo vhuya murahu? Liya lo vha li shango la Vhannda le la tshinyadzwia zwiła, nga mulilo. Naa Yesu ha ngo ri, kha Luka Mukhethwa, ndima ya 17, na ya vhu 28, vhu 29, na ndimana ya vhu 30, uri, “Vhunga zwo ralo mađuvhami a Sodoma, zwi do ralo kha u vhuya ha Murwa wa muthu, musi Murwa wa muthu a tshi dzumbululwa”? U “dzumbululwa” ndi mini? Ndi musi tshipiriri tshi tshi divhiswa, nzumbululo; ndi ya u dzumbulula kana u divhisa tshipiriri.

<sup>106</sup> Zwino, hezwi zwithu zwo zwa dzumbwa kha zwikhathi zwa tshivhidzo zwothe zwino zwi khou dzumbululwa, zwi khou bviselwa khagala. Zwino, ri nga amba izwo, huno arali Mudzimu a sa khwathisedze izwo, izwo zwo khakheya. Ni a vhona, Mudzimu ha ɻodi muthu na muthihi uri a ɻalutshedze Iphi Lawe, Ndi Ene Muđalutshedzi wa Ene mune. O ri, “Musadzi wa tshipofu u do vha muthu wa thovhela,” huno a ralo. A ri, “Kha hu vhe na tshedza,” huno tsha vha hone. Huno a ri khou tshila kha tshikhathi tsha Luther, tshikhathi tsha Wesley, kana tshikhathi tsha Pentekostala. Tshikhathi tsha Pentekostala ho vha hu tshi tou vha u vhuedzedzwa ha mpho dzi vhuyaho murahu kha tshivhidzo, fhedzi ri khou tshila kha tshifhinga tsha madekwana, ri khou tshila kha tshifhinga tsha u vhidzelelwa ha Muselwa nnđa.

<sup>107</sup> Huno vhunga sa musi zwo vha zwi kondaho uri Vhakatolika vha vhone Luther, na vha ha Luther uri vha vhone Wesley, na vha Penteko- . . . vha ha Wesley uri vha vhone tshikhathi tsha Pentekostala, ngauralo zwi a konda uri Vhapentekostala vha

vhone *tshino tshikhathi*. Zwo dzulela u vha nga yeneyo ndila, ngauri Zwi wela kha Mbeu yo Nangiwaho, nahone yeneyo fhedzi. Hezwo ndi zwine Bivhili ya funza. Vha nga si Zwi vhone, Yesu o ita na u vha rabelela, a ri, “Vho vha vho pofudzwa, vho vha vha sa zwi divhi.” Nzumbululo i a ri vhudza, kha *tshino tshikhathi* tsha *tshivhidzo* tsha Laodekia, musi O bviselwa nn̄da ha *tshivhidzo*, uri vha “fhedzi! vha a tungufhadza! vha a shonisa! mabofu! nahone a vha zwi divhi.” Murahu hafhu, a vha koni u Zwi vhona, a vha koni u Zwi pfesesa. Vho hwalea vhukuma kha maitele!

<sup>108</sup> Fhedzi elelwani Ipfi la Mudzimu lo fulufhedziswaho nga mulomo wa Yesu Kristo, Mudzimu muthihi we a amba tsiko uri i vhe hone, O vha a Ene we a vha a hone u bva mutheoni wa shango we a amba Maipfi, “Huno kha hu vhe,” nahone zwa vha hone. Ngauri O ri, “O vha a shangoni, nahone shango lo itwa Ngae, huno shango li si Mu divhe. Fhedzi vhanzhi vhe vha Mu divha, khavho O nea maanda uri vha vhe vharwa vha Mudzimu.” Musiki muthihi, nahone Musiki muthihi Ene muñe, musi A tshi vusa Lazarо vhafuni, O ri, “Ni so ngo elekanya hezwi sa zwi so ngo doweleyaho, ngauri awara i a da musi vhothe vha re mavhidani vha tshi do pfa Ipfi la Murwa wa muthu, huno vha vuwa.” Mudzimu muthihi we a ri “Kha hu vhe na Tshedza,” o ri “Ipfi la Murwa wa muthu li do vusa avho vha re vhidani.” Zwi khou tea u itea nga khalañwaha yazwo. O amba, “Kha hu vhe na tshiduna na tshisadzi,” na zwinwe, huno zwothe hezwi, miñwaha na miñwaha ya mađana phanđa ha musi zwi tshi itea.

<sup>109</sup> Thuñhuwedzo yo swika kha muporofita Yesaya, a ri, “Kha rine ñwana o bebwa, murwa o netshedzwa. Dzina Lawe li do vhidza Mulauli, Mukololo wa Mulalo, Mudzimu wa Maanda, Khotsi wa lini na lini.” Miñwaha ya fhela, miñwedzi, miñwaha, mađuvha, dzivhege, miñwaha ya tandulukana, miñwaha ya mađana ya tandulukana. Ho no fhela miñwaha ya mađana a malo, Immanuele a bebwa nga musadzi wa tshipofu! Ndi ngani? Ndi ngauri zwe vha zwe ambiwa nga meme dza muporofita o ñoliswaho wa Mudzimu, mbeu yo zwalwa. Ni a vhona? “Huno iyo awara khulu,” a ri, “naa ni do toda... u Nkhumbela bono kana tshiga.”

<sup>110</sup> A ri, “Ndi do vha nea tshiga, tshiga tsha lini na lini, ‘Musadzi wa tshipofu u do vha muthu wa thovhela,’ tshiga tsha lini na lini.”

<sup>111</sup> Zwino, ri wana uri hedzo dziawara dza thaidzo dza vhukuma, ndi heneffo hune Muya wa Mudzimu wa dzhena ngomu. O tendela vhana vha Vhahevheru vha dzhena ngomu dzivhani la mulilo, phanda ha musi A sa athu dzinginyisa tshanda. Fhedzi musi A tshi dzinginyea, O dzinginyea.

<sup>112</sup> Zwino, ri dzhela nzhele hafha kha Luka, yone—yone ndima ya 17, na ndimana ya vhu 30, uri O ri, “Mađuvhani a u fhedza, uri Murwa wa muthu u do Didzumbulula sa zwe A ita phanda

ha Sodoma na Gomora, nahone nyimele i fanaho i do itea.” O amba nga ha Mushe, nga ha...huno ndi humbela ni mpfarele, hu si nga ha Mushe, fhedzi nga ha Noaxe. Hani uri vhathu vho vha vha “tshi khou la, vha tshi khou nwa, na zwiñwe, vha tshi dzeana na u ḥalana.” Zwenezwo A bvelela, A ri, “Zwino, vhunga zwo vha hone mađuvhani a Loto, zwi do ralo-vho musi Murwa wa muthu a tshi dzumbululwa.” Zwino, lavhelesani, Murwa wa muthu o dzumbululwa kha tshigwada tsha Abrahamu, sa Muthu, Muporofita kha tshivhumbeo tsha muthu wa nama, Muthuzwawe na buse kha zwiambaro Zwawe, huno Abrahamu a Mu vhidza “Elohim.”

<sup>113</sup> Zwino, Yesu o fulufhedzisa hafha uri mađuvhani a u fhedza Murwa wa muthu u do dzumbululwa hafhu kha tshigwada tsha lushaka lu fanaho, Mbeu ya lutsinga lwa Abrahamu, phanda ha musi mulilo u tshi wa. Elelwani, tshivhidzo a tshi nga ḥanganedza dziñe we ḥanzi, Abrahamu navho a vho ngo ralo, murwa o fulufhedziswaho we vha vha tshi khou lavhelesana nae o diswa murahu ha izwo. Huno tshivhidzo tshi khou lavhelesana na Murwa o Fulufhedziswaho, U do bvelela murahu ha mađuvha a vhushumeli, U do dzumbululwa u bva mađadulu. Zwino, ri zwi vhona zwi khagala vhukuma, zwi tea u ralo. Zwino, tshithu tshi tshothe tshire tsha khou tea u vha hone ndi tshiñwe tshithu tshi raharahaho, tshi tshi dzhena kha muthu, Mudzimu u khwaṭhisidza na u mu vhudza na u mu sumbedza uri hezwo ndi zwine zwa tea u itea; na uri ni khou ya u...

<sup>114</sup> Sa zwe Mushe a ita, o vha a sa ḥodi u vhofholola havho vhana, fhedzi Mudzimu o amba nae kha tshiṭaka tshi dugaho. O vha a sa ḥodi u ya, fhedzi o vha a tshi khou tea u ya. Mushe o pfa nga Hae sa ane a vha Yehova muhulu. Fhedzi zwenezwo o vha a tshi kona u Mu vhona, O vha a kha tshivhumbeo tsha Khavhu ya Mulilo. “Ndo pfa nga ha Iwe, fhedzi zwino ndi a U vhona.” O vhonwa A kha mini? Ipfi ḥawé lo khwaṭhisidzwa.

<sup>115</sup> Mudzimu o vhudza Abrahamu uri “vhathu vhawé vha do dzielela shango la vhanndá lwa miñwaha ya ḥana, fhedzi U do vha bvisa nga tshanda tsha maanda.”

<sup>116</sup> Huno, dzhielani nzhele, hetshi tshiṭaka tshi dugaho tsho nea khwathisedzo kha zwe muporofita Abrahamu a amba uri zwi do itea. Mushe o ri, “Ndo pfa nga hazwo, fhedzi zwino ndi a zwi vhona!”

<sup>117</sup> Zwino, *rīne ro* pfa uri mađuvhani a u fhedza Murwa wa muthu u do bvelela vhukati ha vhathu Vhawé nahone a Didzumbulula kha vhathu nga ndila i fanaho ye A ita nga tshila...phanda ha u tshinyadzwa ha Sodoma. Murwa wa muthu, O ita mini? O divha zwiphiri zwe zwa vha zwi kha mbilu ya Sara. A dovha a nea Abrahamu pfulufhedziso. Abrahamu o pfa Ipfi la Mudzimu, a nga vha o Mu vhona nga ndila nnzhi dzo fhambanaho (a thi divhi uri O ambisa hani nae, nga kha miloro

na nga kha vhuporofita), fhedzi hetshi tshifhinga o Mu vhona. “Ndo pfa nga ha Iwe, zwino ndi a U vhona.”

<sup>118</sup> Huno tshivhidzo tsho pfa nga ha Mudzimu, vho vhala nga Hae, na zwe A ita, na pfulufhedziso dze A ita, fhedzi zwino ri a Mu vhona nga maṭo ashu (zwi fanaho na zwe Yobo a ita), “Ndo pfa nga ha Iwe, fhedzi zwino ndi a U vhona.” Nne-nne! Phambano-de.

<sup>119</sup> Mushe, kha iyo khakhathi, a huwelela. Huno ri wanulusa uri, kha Exoda, ndima ya 14, ndimana ya vhu 13 u swika kha ya vhu 16, Mushe kha uho u tsikeledzea huhulu afho na vhana vha Isiraele, thuthuwedzo ya swika khae, nahone a amba zwe a vha a tshi khou tea u amba, a sa ḋivhi uri o zwi amba. Ni a vhona, “Imani huno ni vhone u tshidza ha Mudzimu.” Mudzimu o vha a sa athu amba nae. Ni a vhona, thuthuwedzo ya ḍa khae.

<sup>120</sup> Vha ri, “Ndi nga mini wo ri bvisela nn̄da afha? Ro vha ro tea u fela Egipita. Naa ndi ngauri ho vha hu si na mavhida fhasi ngei? Wo ri bvisela nn̄da hafha, huno wa ri litsha ra fa; ndi musi ro tshila nga mulalo sa dziphuli u swika ri tshi fa, fhedzi wo ri bvisela nn̄da hafha.”

<sup>121</sup> Mushe, muporofita, a tshi zwi ḋivha uri u a kona u swikelela Mudzimu, o vha o ṭuṭuwedzea, huno a ri, “Imani nahone ni vhone u tshidza ha Mudzimu; ngauri Vhaegipita vhane na khou vha lavhelesa namusi, a ni tsha ḍo dovha na vha vhona hafhu.” O zwi ḋivha hani uri zwe vha zwi tshi khou ya u itea? O zwi ḋivha hani? Ho ngo ḋivha zwe a amba.

<sup>122</sup> Fhedzi nga tshihadu musi o zwi amba, Mudzimu o mu vhudza uri u tea u zwi ita hani. A ri, “Mushe, u so ngo Nndilela, dzhia lubaḍa lwau tshandani tshau huno u sumbe ngalwo Iwanzheni, huno u vhudze vhana vha Vhaisiraele uri vha ‘Tshimbile!’” Amen!

<sup>123</sup> Thuthuwedzo! Heyo ndi yone ndila ine ya ḍa kha inwi arali ni tshi khou lwala. Heyo ndi yone ndila ine ya ḍa kha inwi arali no ḫuphea. Tshiñwe tshithu tsho dzumbululwa kha inwi, nahone na vhona uri tsho dzumbululwa, ni ambela nthā, “Ndo fhodzwa!”

<sup>124</sup> Zwenezwo Mudzimu u ni vhudza zwine na tea u ita, “Takuwani nahone ni tshimbile.” Amen! Zwenezwo zwothe zwe fhela, musi ni tshi kona u zwi ita nga heyo ndila. Heyo ndi yone ndila ine Mudzimu a zwi ita, zwenezwo ni vhona Mudzimu a tshi khou ḋivhonadza nga kha inwi muṇe.

<sup>125</sup> Ho vha hu Mudzimu we a mu vhudza uri a zwi ite. Zwino, zwenezwo, zwoṭhe zwe zwa vha zwi hone, Vhaisiraele vhothe vho vhona thuthuwedzo ye ya ḍa kha Mushe. Vho vhona Mudzimu, nga maṭo avho, u fhandekanyela madi u bva kha inwe thungo u ya kha inwe. Huno ilā Khavhu ya Mulilo ya vha ranga phanda u yela kha—kha Iwanzhe. O pfa nga ha Mudzimu, zwenezwo vha vhona Mudzimu.

<sup>126</sup> Yoshua o vha a kha awara ya khakhathi, musi mmbi yo tshinyadzwa, nahone ḋuvha li tshi khou swifhala. Yoshua o vha a muporofita, huno a zwi ḋivha uri arali idzo mmbi dza wana tshikhala tsha u kuvhangana hafhu nahone dza da u lwa nae, u do xelewā nga vhatu vhanzhi, ngauralo nga iyo awara ya khakhathi musi tshinwe tshithu tsho itwa... Hu tou vha na tshithu tshithihi fhedzi, arali a ita uri vha dzule vha tshi khou shavha, u do vha fhedza, muñwe na muñwe, fhasi. Fhedzi ho vha hu si na tshedza tsho ḋedanaho tsha u zwi ita, ngauralo Yoshua a ima, a imisa zwanda zwawe, a ri, “Duvha, ima! Huno nwedzi, ḋembelela heneffo Gibeoni u swika ndi tshi fhedza nndwa yanga.” Huno ḋuvha la ima. Vho pfa Yoshua a tshi amba, huno zwenezwo vha vhona Mudzimu, nga maṭo avho vhona vhañe, kha nyito. Ndi ngoho!

<sup>127</sup> Ni a vhona, zwo tou ralo, ho vha hu zwi sa tendisei u vhona tshinwe tshithu tshi vhonalaho sa tshi sa konadzei, fhedzi tshi ngoho. Fhedzi, “Duvha la ima,” Bivhili i ralo. A thi ḋivhi zwine vhoiñwi vhatu na elekanya, vhanne na elekanya uri shango lo vha li tshi gidima, zwino; fhedzi, zwo ḋi ralo, “duvha la ima.” Khañwe Yoshua ho ngo vhuya a lingedza u wanulusa uri o vha a tshi khou ya hani u—u zwi ita, uri Mudzimu o vha a tshi khou ya u zwi ita hani, tshithu tshi tshothe tshe a amba ho vha hu u ri, “Duvha ima!” O zwi amba, khañwe a sa ḋivhi uri o vha a tshi khou amba mini, ngauri ho vha hu Mudzimu we a mu nea zwone, nahone A shuma.

<sup>128</sup> Tshithu tshi fanaho kha Marko 11:23, “Arali na ri kha heyi thavha ‘sudzuluwai,’ huno ni sa timetime mbiluni yanu, fhedzi na tenda uri zwe na amba zwi do vuledzea, ni nga wana zwe na amba.” Fhedzi ni nga si ime afho ni tshi mona-mona muhumbuloni wanu na zwi amba, ni tea u ḋutuwedzea uri ni zwi ambe. Amen!

<sup>129</sup> Hangwelani kuambele; fhedzi i lo ḋuvha, ndo dzula heneffo mađakani (huno Mudzimu ndi Muhaṭuli wanga, nahone ndi nga wa nda fa kha ino phuluphithi), musi ulwo Luñwalo lwo nkondela vhatshilo hanga hothe...ndo dzula heneffo ala matshelonji mađakani, huno ndo vha ndi tshi khou elekanya kha izwo, huno Ipfi la amba na nne, A ri, “Holwo Luñwalo lu fana na mañwe Mañwalo, Ndi ngoho.”

<sup>130</sup> Huno nda elekanya, “Zwo luga, zwi nga ralo hani?”

<sup>131</sup> Huno A ri, “U tou vha...” nda ri... A ri, “Ambe, nahone zwi do vha nga yeneyo ndila. U so ngo Zwi timatima.”

<sup>132</sup> Huno ndo vha ndi tshi khou amba na Muñwe muthu, ndo dzula ngei mađakani. Hu si na zwisindi, ndo vha ndi heneffo lwa maduvha mararu, a hu na zwisindi afho. Huno ndo vha ndo dzula kha muri wa muhuyu. Zwisindi a zwi vhuyi zwa da...nnyi na nnyi ake a zwima zwisindi, u ya zwi ḋivha uri a zwi wanali kha muhuyu. Huno ndo vha ndo dzula heneffo; nahone muya

u tshi khou vhudzula nga maanda, u yela kha iri ya vhufumi nt̄ha ha tshithoma nga matsheloni, huno ndo vha ndi tshi khou elekanya hafhu.

<sup>133</sup> Huno Tsha ri, “U khou zwima, nahone u khou ḥoda zwisindi sa Abrahamu o ḥoda thutha.”

<sup>134</sup> Nda ekekanya, “Hezwo zwo dzulela u mmbudza Ngoho, fhedzi hezwi zwi pfala sa miswaswo.” Nda takuwa he nda vha ndo dzula hone, nda lavhelesa u mona, “U gai uyo Muthu we a vha a tshi khou amba na nne?” A hu na tshithu; maya u tshi khou sokou vhudzula nga maandesa. Huno nda elekanya, “Kani ndi nga vha ndo mbo di edela huno nda lora izwo? Hai, ndo vha ndi so ngo edela. Ndo vha ndo gogodela muri heneffho, ndo lavhelesa, ndi tshi khou tea u ya u dzhia Mukomana Wood na Mukomana Sothmann murahu afho, zwițukunyana, u yela kha iri ya vhufumi nt̄ha ha tshithoma ala matsheloni. Vhalimi vhothe vha nn̄da afho vha tshi khou shuma, vha tshi khou kuvhangna na mavhele avho.”

<sup>135</sup> Huno nda dovha nda Tshi pfa, tshi tshi ri, “U khou zwima, nahone u khou ḥoda phukha. U khou ḥoda zwingana?”

<sup>136</sup> Huno nda elekanya, “Zwino, a thi ḥodi u zwi itesa, ndi khou ya u tou humbelu zwiraru, zwisindi zwiraru. Ndi khou ḥoda zwițuku, zwindini zwiraru zwitswuku. Ndi khou zwi ḥoda.”

<sup>137</sup> A ri, “Zwenezwo amba nga hazwo.”

<sup>138</sup> Huno nda ri, “Ndi khou ya u wana zwisindi zwiraru zwitswuku zwițuku.”

<sup>139</sup> A ri, “Ndi ifhio ndila ine zwa ḥo da ngayo?”

<sup>140</sup> “Zwo luga,” nda elekanya, “Ndo swika afha, hu na Tshiňwe tshithu tshi no khou amba na nne hafha.” Itou fana na musi ni tshi khou pfa nne ndi tshi khou amba. Huno Mudzimu wa Tadulu, na ino Biňili kha mbilu yanga, u a divha uri izwo ndi ngoho. Huno Ene...Huno nda ri, “Zwo luga,...” Nda nanga fhethu ho itisaho zwiňwe-who, davhi la kale lo omaho lo n̄embelela heneffho (u yela kha mielo ya fuhanu, he tshigidi tshanga tsha thuntsha hone).

<sup>141</sup> Nda ri, “Tsha u thoma tshi ḥo vha hafho,” nahone tsha vha heneffho.

<sup>142</sup> Nda sikițedza mađo anga huno nda lavhelesa murahu (nda rembulusa ḥoho yanga), huno nda elekanya, “A thi ḥodi u thuntsha bono.” Ngauralo nda lavhelesa hafhu, huno afho ho vha ho dzula tshisindi. Ndo posa gwangwa kha tshigidi tshanga, nda tshi sumba, huno ndo vha ndi tshi kona u vhona mađo atsho matswu, tshisindi tshițuku tshutswu. Nda elekanya, “Ndi...ndi...khaňwe ndi khou edela, ndi—ndi ḥo vuwa nga miniti i si gathi. Ni a vhona, ndi khou lora nga ha hezwi.” Zwo luga, ndo vhuyela fhasi, nda kala tshisindi nahone tsha wa u bva kha tavhi. Nda elekanya, “Zwo luga, a thi divhi.” Nda elekanya, “Zwo luga,

naa ndi ye heneffo huno ndi tshi lavhelese?" Huno—huno nda ya heneffo, huno tsho vha tsho edela heneffo. Nda tshi dzhia nahone malofha a tshi khou shuluwa khatsho. Bono a li phophi malofha, ni a divha. Ngauralo nda tshi takula, nahone tsho vha tshi tshisindi. Nda oma, hothe hothe.

<sup>143</sup> Huno nda lavhelesa u mona, nda ri, "Mudzimu, hoyo o vha a Iwe!" Nda ri, "Ndi a U livhuwa, nga hezwi. Zwino ndi do tuwa nahone . . ."

<sup>144</sup> A ri, "Fhedzi wo ralo! Naa u a timatima zwe wa amba? Wo ri u do wana 'zwiraru.' Zwino tshi no tevhela tshi do bvelela gai?"

<sup>145</sup> Nda elekanya, "Zwo luga, arali ndi tshi khou lora, ndi khou ya u bvela phanda."

<sup>146</sup> Ngauralo nda—nda ri . . . nda takula pala ya kale heneffo, ya muri we wa vha wo putekanywa nga hoyu mulimo wa muavori. A ni wani tshisindi kha hezwo. Ngauralo nda ri, "Tshi no tevhela tshi do bvelela kha uyo mulimo wa muavori," huno heneffo ha dzula tshi<sup>l</sup>a tshisindi tshi<sup>l</sup>uku tshitswuku tsho nndavhelesa. Nda vheya tshigidi tshanga fhasi, huno nda siki<sup>l</sup>edza ma<sup>l</sup>o anga. Nda rembuluwa hafhu, nda elekanya . . . Khetsho afho, thoho yatsho yo sedza thungo. Nda kala tshisindi, huno zwenezwo nda thoma u tsela hayani.

<sup>147</sup> Fhedzi o ri, "Wo ri 'zwiraru'! Naa u a timatima zwe wa amba?"

<sup>148</sup> Nda ri, "Hai, Murena, a thi timatimi zwe nda amba, ngauri U khou khwa<sup>l</sup>his<sup>l</sup>edza."

Holwu ndi lunwe lwa Luwalo lwo nkondelaho: "Hu si arali *Nda* amba, fhedzi arali *inwi* na amba." Hu si arali *Yesu* a zwi amba, fhedzi arali *inwi* na zwi amba *inwi* mu<sup>l</sup>ne.

<sup>149</sup> Huno nda elekanya, "Ndi zwi<sup>l</sup>we-who ndo dzhena kha iyo ndila, nahone ndi a divha uri U fhano ngauri a thi khou dipfa." Nda elekanya, "Ndi do ita hezwi nga inwe ndila, yo edanaho."

Nda ri, "Hu do vha na tshisindi tshitswuku tshi no do bva kha *tshila* tshikwara, tsha tsa nga *heyi* ndila, huno tsini hanga, nahone tsha tuwa, huno tsha dzula kha *lia* tavhi, nahone tsha lavhelesa fhasi afho kha *uyo* mulimi." Tsha bvelela u bva tshikwarani, tshi tshimbila, huno tsha dzula, tsha lavhelesa kha mulimi. Huno nda tshi thuntsha.

<sup>150</sup> Sa<sup>l</sup>hane o ri kha nne, "U a divha uri mini? Ma<sup>l</sup>aka o dala ngazwo, zwino." Huno nda dzula heneffo u swika iri ya vhufumimbili nt<sup>l</sup>ha ha tshithoma, huno hu sa itee tshi<sup>l</sup>nwe tshithu. Zwi ya u sumbedza uri musi Mudzimu . . . Ndi ene Musiki wa Ma<sup>l</sup>adulu na lifhasi!

<sup>151</sup> Vhatetshelesaho, ngei Jeffersonville zwino, hu na mu<sup>l</sup>a u vhidzwaho Wright. Mukomana Wood na nne ro tsa u vha vhona. Vha itela tshividzo veini ya tshilalelo. Edith mu<sup>l</sup>uku o vha o dzula heneffo lufherani; musidzana mu<sup>l</sup>uku o holefhalaho, o vha

a lwalaho vhutshilo hawe hoṭhe, huno ro dzulela u lavhelesa kha Mudzimu uri a mu fhodze. Murathu wawe, tshilikadzi, munna wawe o vhulawa; dzina lawe lo vha li Hattie, musadzi muṭuku wa u dītukufhadza. Huno musi Mukomana Banks na nne ro ya u mu wanela luvhuḍa, vho bika tsheri i na thodzi khulu nga n̄tha; huno vha ita uri ndi dzule fhasi nahone ndi le.

<sup>152</sup> Rothe ro vha ro dzula u mona na ṭafula, ro vha ri tshi khou amba nga ha hezwi, zwo tou itea mađuvha a si gathi o fhiraho. Huno musi ro dzula u mona na ṭafula, ri tshi khou amba nga ha hezwi, nga tshihadu nda ri, “Hu nga vha ho itea mini?” Nda ri, “Mukomana Wright, u mukalaha, wo zwima zwisisdi vhutshilo hau hoṭhe. Mukomana Shelby, u tou vha dendele la u zwima tshisindi. Mukomana Wood, zwo ralo na kha inwi. Ndo zwi zwima u bva ndi nwana. Naa no no vhuya na vhona tshisindi kha muhuyu na muri wa gwavhvavha?”

<sup>153</sup> “Hai, muṇe wanga.”

<sup>154</sup> Nda ri, “Zwo vha zwi tshi tou vha zwi siho afho.” Nda ri, “Tshithu tshi tshoṭhe tshire nda divha, Ndi Mudzimu muthihi. Musi Abrahamu a tshi toda thutha, O vha a Yehova-mubveledzi, O vha a tshi kona ‘u dibveledzela Ene muṇe.’” Nda ri, “Ndi a tenda uri ndi zwithu zwi fanaho.”

<sup>155</sup> Huno Hattie muṭuku wa kale o dzula murahu heneffo, a ri, “Mukomana Branham, hezwo a si zwiṇwe fhedzi ndi Ngoho!”

<sup>156</sup> O amba tshithu tshone! Musi o amba izwo, Muya Mukhethwa wa tsela ngomu kha iyo ndila hafhu, muṇwe na muṇwe wavho o U pfa. Nda takuwa, nda ri, “Khaladzi Hattie, ARALO MA AMBA MURENA, wo amba ipfi lone sa zwe musadzi wa Musirofenike a amba. Muya Mukhethwa u khou amba na nne zwino, huno uri kha ndi u nee lutamo lwa mbilu yau.” Nda ri, “Zwino, arali ndi mulanda wa Mudzimu, arali zwo ralo, zwi do itea. Arali ndi si mulanda wa Mudzimu, zwenezwo ndi muzwifhi, nahone a zwi nga itei, ndi mufhuri.” Nda ri, “Zwino lingedza u vhone, uri ndi Muya wa Mudzimu kana hai.”

<sup>157</sup> A ri, “Mukomana Branham,” (muṇwe na muṇwe o vha a tshi khou lila), a ri, “ndi do humbelo mini?”

<sup>158</sup> Nda ri, “U na murathu wa muholefhali o dzulaho afho.”

<sup>159</sup> Ndo vha ndi na dolara dza fumbili tshikomani tshanga, dza u mu nea, dze a dzi bvisa sa ndambedzo. Musadzi ha iti tshelede i yelaho kha dolara dza madana mavhili nga nwaha, kha ilā thukhu, ya kale, bulasi i tungufhadzaho, ene na vhatukana vhavhili. Vhatukana vhaweho vha vha ‘Vhoricky,’ mađuvha a tshikolo, ni a divha, huno vha tshi khou sokou kondisela mme avho; huno vha na ya fumiṭhanu, miṇwaha ya fumirathi. Huno, oo, vho vha who ima heneffo vha tshi khou sea heneffo kha zwe nda vha ndi tshi khou amba.

<sup>160</sup> Nda ri, “U na khotsi na mme vho dzulaho afho vho aluwa. A u na tshelede na nthihi. Humbela tshelede, huno u vhona arali i tshi ḍo da kha tshirumbi tshau. Humbelela murathu wau, huno u vhone arali a sa do takuwa huno a tshimbila.” Nda zwi divha, sa Yobo, hu na tshiñwe tshithu tshire na divha musi ni tshi swika khatsho. Nda ri, “Ndi a divha! Afha ndo ima phanda ha vhathu vha yelaho kha vhafumi,” nda ri, “arali hezwi zwa sa itea, zwenezwo ndi muporofita wa mazwifhi.”

<sup>161</sup> A ri, “Ndi ḍo humbela mini?”

<sup>162</sup> Nda ri, “Zwi kha iwe u dzhia tsheo yau. Ndi nga si u dzhiele tsheo yau.”

<sup>163</sup> A lavhelesa u mona, musadzi muṭuku. Huno nga u tou ṭavhanya, a ri, “Mukomana Branham, lütamo luhulusa mbilumi yanga ndi u tshidzwa ha vhatukana vhanga vhavhili.”

<sup>164</sup> Nda ri, “Ndi a u nea vhatukana vhau, nga Dzina la Yesu Kristo.” Huno avho vha tshi khou nwethuwa, vha tshi sea, vhatukana vha u sea vha wela zwirumbini zwa mme avho, huno vha kumedza vhushtilo havho kha Mudzimu, nahone vha dadzwa nga Muya Mukhethwa heneffho.

<sup>165</sup> Ndi ngani? Hezwo ndi Ngoho! Mudzimu u na ndaulo ya u mmbulaya, phanda ha havha vhathu u mosa na lushaka. Vhunzhi ha vhoiwi hafha na ngei Jeffersonville, ndi a kona u pfa dilogo i lilaho ya thaberenakele zwino, “Amen!” ngauri vho dzula heneffho vha khou thetshelesa khayo. Ni a vhona, ngauri ndi Ngoho! Ndi mini? Ndi musi Mudzimu, nga tshilidzi Tshawe tshi mangadzaho; zwi tshi itea! Nndani ha hezwo, a zwi nga itei.

<sup>166</sup> Kha itsyo tshikhathi tshi shushaho... Elekanyani nga ha vhanna na vhathu vhane ndo badekanywa navho. Mudzimu a tshi khou fhira vhaḍivhaleyha vhoṭhe, na tshiñwe na tshiñwe, u itela u nea tshishai, musadzi muṭuku wa kale wa u ḏitukufhadza, a sa koni na u saina dzina lawe; nahone O divha zwine a do humbela zwone. Huno ḫetsyo tsho vha tshi tshithu tshihulwanesa; ngauri murathu wawe zwino o lovha, nahone mme awe na khotsi vha khou tea u lovha, tshelede ndi musi yo tshinyala, fhedzi mimuya ya mutukana wawe ndi ya U Ya Nga Hu Sa Fhel! Huno heyo yo vha i awara ya uri vha Zwi gavhe. Huno musi ndi tshi tou ri, “Ndi a u nea vhatukana vhau, nga Dzina la Yesu Kristo,” heneffho vha wela tshirumbini tsha mme avho. Ndi vhangana ngomu afha vhane vha divha uri izwo ndi Ngoho, ni a zwi divha? [Tshivhidzo tshi ri, “Amen.”—Mudz.] Ni a vhona? Izwo ndi zwone. Ee. Ndi ngani? Thuthuwedzo!

<sup>167</sup> Zwino: “Ndo pfa nga ha Iwe, uri Iwe u a kona u sika zwisindi; ndo pfa nga ha Iwe, uri Iwe u a kona u sika thutha; fhedzi zwino ndi a U vhona, nga maṭo anga nne mune!” Mbonadzo, bono lo itwa li vhonalaho. Musi Mudzimu o fulufhedzisa tshiñwe tshithu, zwenezwo ndi zwone zwine A do ita.

<sup>168</sup> Dzhielani nzhele, musi ni na thodea, khańwe sa Yoshua. O vha a na thodea; ho ngo vhuya a elekanya nga dzinyimele, o zwi amba, nahone ho vha hu Mudzimu! Naa ni a tenda uri duvha lo ima? Na nne ndi a ralo. Lo zwi kona hani? Ni so ngo lingedza u zwi wanulusa, fhedzi lo zwi ita. Yoshua o zwi ita, nahone a imisa zwanda zwawe; kha itszo tshikhathi tsha shishi o swikelela kha Mudzimu, huno hezwo ndi zwone zwe iteaho. Zwo vha zwo rekanywa. Muya wa Mudzimu a Tshilaho wo vhona thodea yazwo, huno wa kokodza nga Yoshua u itela u zwi amba. Mudzimu muthihi o vhona thodea ya u khwathisedza Luňwalo kha nne, uri ulwo Luňwalo ndi ngoho, nalwo-vho! Mudzimu muthihi o vhona thodea ya avho vhatukana vhavhili vho tiwaho, nahone ho vha hu tshikhathi tshine O zwi sumbedza nahone a khwathisedza Ipfì Lawe.

<sup>169</sup> Marko Mukhethwa 14, ri vhona musadzi o tendaho Khae, o vha a na thodea nahone o vhona uri U na thodea ya uri miledzhe Yawe i ḥanzwiwe, o vha a khou tea u tou ṭuṭuwedzea fhedzi uri a ye kha nyito. Zwino thetselesesani sa musi... phanda ha musi ri tshi vala. O vha a tshi khou tea u tou ṭuṭuwedzea uri a ye kha nyito, ngauri o vha o no pfa nga Hae. O pfa uri "O hangwela musadzi zwivhi zwawe, phombwe. Huno a ri, 'Ndi nnyi wa vhoiñwi a si na tshivhi? Khavhe ene a no thoma u posa tombo.'" O pfa nga Hae, fhedzi zwino o Mu vhona. O vha o ṭuṭuwedzea kha u Mu shumela. Hetsho ndi tshone tshithu tshi tshothe tshine na tea u vha tshone.

<sup>170</sup> Tendelani Muya Mukhethwa u ni vhudze uri "Ni muitazwivhi!" Tendelani Muya Mukhethwa u ni vhudze uri "Ni khou khakha!" Tendelani Muya Mukhethwa u ni sumbedze nga Maňwalo uri "Ni khou khakha u ya nga Luňwalo!" Huno mini... ngauri Zwi do tou dzindinyisa nga kha ndila nthihi ya tswititi ya Luňwalo luňwe na luňwe lwa Mudzimu, a Zwi nga fhiri tshithu. Arali na ralo, a Zwi nga ni thusi nga tshithu. Ngauri Muya Mukhethwa u a kona u Zwi ṭuṭuwedza kha inwi, fhedzi arali myua u so ngo luga na Mudzimu, sa zwe ra pfuka khazwo ino vhege, zwo diralo a zwi thusi tshithu. Elelwani, vhađodzwa vha khole-khole vha do vuwa mađuvhani a u fhedza; hu si Vhoyesu vha khole-khole, vhokristo vha khole-khole (vhađodzwa), nahone vha do fhura Vhanangiwa arali zwe vha zwi tshi konadzea.

<sup>171</sup> Dzhielani nzhele, o vha a na tshumelo ya u Mu itela. O pfa nga Hae, zwino o Mu vhona nga mađo awe. O vha a na tshumelo ine a khou tea u i ita, huno o vha a si na tshithu tsha u i ita ngatsho. A gidimela phanda naho zwo diralo, u ita tshumelo, Mudzimu a bveleledza mađi na dzithavhula dza u ḥanzwa milenzhe Yawe. O pfa nga ha Mudzimu a Tshilaho, vhutshilo hawe hođhe, fhedzi zwino u ya Mu vhona nga mađo awe. O zwi ḫivha uri ndi Ene, nahone ḫuṭhuwedzo ya da khae,

huno a ri, “*Hoyu* ndi Murumiwa!” O vha a tshi khou ḫoda tshumelo (o vha a si na tshithu tsha u Mu shumela ngatsho), milenzhe Yawe yo vha yo tsukala. Fhedzi naho zwo ḫiralo a gidi melā phanda, u Mu itela tshumelo, ngauri o vha o ṭuṭuwedzea kha u zwi ita.

<sup>172</sup> Kha murado wa tshivhidzo o humelaho murahu, munna wa dinomineisheni kana musadzi, naa a ni koni u vhona ḫhodea ine Yesu a vha nayo madekwana a ḫamusi? Arali ḫhuthuwedzo ya nga tou ḫa kha inwi fhedzi, heyi ndi awara ya u zwi ita. Fhedzi o Mu vhona nga maṭo awe. Vhanwe heneffo vho vha vha tshi khou Mu goda. A vho ngo tenda Mulaedza Wawe. Zwavhudzi-vhudzi, mavhuthu, mavhuthu a mufunzi, Saimoni wa kale, o Mu tendela a ḫa afho uri a kone u tamba Ngae. Vho vha vha sa tendi uri O vha a muporofita.

<sup>173</sup> Ngauralo musi zwi tshi vhonala u nga diabolo o zwi shuma nga ndila yone uri ene a ambe hezwi, o amba ngomu hawe, “Arali hoyu muthu o vha a muporofita, o vha a tshi ḫo ḫivha uri uyo musadzi ndi wa lushaka-de ane a ḫanzwa milenzhe yawe. Arali o vha a muporofita!” Ni a vhona, o vha a so ngo dzumbulelwā zwone uri ndi Ene Nnyi. Ho vha hu si na ḫhuthuwedzo na nthihi ine i nga ḫa khae, ngauri a hu na tshithu afho tsha u ḫa khatsho. Fhedzi yo vha yo ḫa khae!

<sup>174</sup> Maṭo awe o vhona seli ha u sasalandza huńwe na huńwe. O tenda uri O vha a ene, ni a vhona, Ipfi ḫa vhaporofita. O zwi ḫivha uri Hayo o vha a Maipfi othe a vhaporofita, o vha o khwāṭhisēdzwa Khae. O zwi pfa uri O vha a kha ḫifhasi, fhedzi zwino u a Mu vhona. Lavhelesani zwe a ita. O vhona Ipfi ḫo itwa ḫama, Mesia, Immanuele. Musi a tshi ḫea thendelo kha u raharaha hawe ha lutendo (lwa nzumbululo ya Zwei A vha zwone, kha tshifhinga tshe a vha a khou tshila, uri o vha A Ngwana ya Mudzimu ya avho vhaitazwivhi sa zwe ene a vha a zwone), a ya phanda u shumela ḫhodea Yawe a sa ḫivhi uri u tea u zwi ita hani.

<sup>175</sup> Heyo ndi yone ndila ine phodzo ya vhukuma ya ḫa ngayo, musi no dzumbulelwā zwone uri “O rungelwa zwivhi zwanu, a pwashékanyelwa vhutshinyi hanu, huno nga ntho Dzawé *inwi* no fhodzwa.” Musi zwo ṭuṭuwedzwa kha inwi u vhona Vhuhone Hawe hafha, ha Marko Mukhethwa 11, kana, Luka Mukhethwa 17:30, uri U khou ya u Didzumbulula maduvhani a u fhedza (vhukati ha vhathu Vhawe, kha muthu wa ḫama) sa zwe A ita phanda ha Sodoma. Musi ni tshi vhona izwo, nahone tshińwe tshithu tsha ḫa kha inwi!

<sup>176</sup> Dokotela ḫi nga ri, “Pfuko i kha di vha heneffo.”

<sup>177</sup> Mulwadze a nga ri, “A—a—a—a—a thi ḫivhi uri ndi khou ya u tshimbila hani, fhedzi ndi khou ya u tshimbila naho zwo ḫiralo.” A ri ḫivhi uri zwi khou ya u ita hani.

<sup>178</sup> A ya phanda u Mu shumela, ngauri ḫhuthuwedzo wo ḫa Khae...yo ḫa khae, uri heyo yo vha i awara, hoyo o vha a

Murumiwa, hoyo o vha a Mesia We a vha a tshi khou tea u fhodza, nahone a Zwi tenda. Huno O vha a tshi khou ḥoda tshumelo i tshi itwa Khae, huno a ya phanda a si na tshinwe tshithu tshi sumbedzaho uri a nga zwi ita. O tou ya nt̄ha ha ḥuthuwedzo yawe. Lavhelesani! Mudzimu a vula zwisima zwa thanga dza miłodzi małoni awe. Mało mathihi e a pfa... ndevhe dze dza Mu pfa; mało e a Zwi vhona, zwa vulea na dakalo. Zwenezwo uła muñwe, mavhudzi malapfu o netshedzwaho nga Mudzimu, na ila miłodzi i tshi khou shulutshela fhasi. Mudzimu o mu bveledzela dzithavhula (nga mavhudzi awe), na nga miłodzi yawe. O shumela dzithodea Dzawe, ḥhodea ya Mudzimu a Tshilaho. O pfa nga Hazwo, fhedzi zwino o Mu vhona, o vha a tshi kona u Mu itela tshumelo.

<sup>179</sup> O muitazwivhi! Ndi ngani ni sa iti nga u ralo musi ni tshi vhona dzithodea zwino? Uri U khou ni ḥoda, tshumelo yanu! Zwino ni vhona Ene, We na vhuya na pfa ngae kha Bivhili. Ro Mu vhona vhusiku ho fhiraho a tshi dzhena ngomu afha, na zwe A ita. Ro Mu vhona, mułangana nga mułangano, huno tshinwe tshifhinga ri dzula ri tshi rothola nahone ri vho fhambanaho, ni ri, "Ee, ndi a zwi divha uri Luñwalo lwo zwi amba. Oo, ndo—ndo zwi vhona zwi tshi itea, ni a vhona." A ri na u swela, zwi vhonala zwi tshi nga a zwi khou da kha riñe nga ndila yone. A hu vhonali hu tshi nga hu na tshinwe tshithu, vhunga arali no vha ni tshi khou shela...

<sup>180</sup> Ni tshi khou dzhia metshisi nahone na u funga, arali metshisi u si na salifa kha ḥoho ya metshisi, u nga si funga. Huno ni nga pfarula na pfarula na pfarula, fhedzi arali miñwe mishonga yo vhulaya salifa heneffho, a u nga fungi, a hu na vhi na tshidza. Fhedzi arali mushonga, sulifa i pferulwaho kha metałla i tshi do... i do vha i tshe heneffho musi u tshi pferula, u do funga.

<sup>181</sup> Huno musi a vhukuma, u khwathisedzwa ha vhukuma ha Mañwalo a Mulaedza wa lino ḫuvha, huno na vhona Vhuhone ha Yesu Kristo, musi no pfa zwe A ita kha vhutshilo Hawe, nahone na pfa Mañwalo a tshi ri "Ha shanduki mulovha, namusi na lini na lini"; nahone phanda ha nyimele ya Sodoma i tshi nenga nga mbiti dza Mudzimu, u vhona Yesu a tshi vhuya vhukati ha vhathu Vhawe, o vhumbwa kha ɣama ya muthu, nahone a ita tshithu tshithihi tshe A ita. Nñe-nñe! Zwi tea u swika mimuyani yashu u swika Vhugalani! Zwi tea u ita tshinwe tshithu kha riñe. Ndi ngani? Zwi khou rotha u bva kha izwo.

<sup>182</sup> No pfa kha Bivhili zwe A ita, uri hani musi musadzi a tshi kwama nguvho Yawe. O rembuluwa nahone a mu vhudza thaidzo yawe, huno lutendo Iwawe lwo mu fhodza. Zwino, O fulufhedzisa uri U do ita tshithu tshithihi hafhu, phanda ha musi shango li sa athu fhiswa, nahone shango li do vha li kha nyimele ya Sodoma. Testamente Ntswa, Muporofita, Muporofita wa Mudzimu, Muporofita wa vhaporofita, Mudzimu wa vhaporofita vhothe, vhudalo ha Vhumudzimu kha muvhili, Mudzimu wa...

o vhonadzwaho namani, Musiki, wa Genesi. Haleluya! Ndi Ipfi Lawe! O ri zwi do itea! Huno ri vhona nyimele ya Sodoma, ri vhona shango kha iyo nyimele, zwino ri Mu vhona a tshi tsela fhasi nahone a ita kokotolo zwe A amba uri U do zwi ita. Zwino, ro pfa nga Hae, zwino ri a Mu vhona! “Ndo pfa nga ha Iwe nga ndevhe dzanga, zwino ndi a U vhona nga maṭo anga.” Amen! “Ndi Mu vhona nga maṭo anga nne mune.” I tea u vha awara-de! Tshi tea u vha tshifhinga-de! U khwathisedzwa ha Ipfi Lawe! Tshifhinga tshothe musi Ipfi li tshi khwathisedzwa, hezwo ndi Mudzimu a tshi amba kha Ipfi Lawe, a tshi khou divhonadza Ene muṇe uri ni kone u vhona.

<sup>183</sup> Zwino, afha ndi phombwe ṭhukhu ya kale i bvaho tshiṭaraṭani, u wela kha aleṭare, phanda ha Yesu, huno a ṭanzwa milenzhe Yawe nga—nga miṭodzi, huno—huno a i phumula nga mavhudzi awe. Mudzimu o hulisea, A ri, “Huṇwe na huṇwe hune haya Mafhungo madifha a rerwa, litshani hezwi zwi ambiwe u itela u mu humbula.” Ndi ngani? Lavhelesani uri o vha o tshikafhala hani, fhedzi tshinwe tshithu tsho da. O vhona Ipfi la pfulufhedziso, u bva tsimuni ya Edeni, hezwi, “Mbeu ya musadzi i do pwashékanya ṭhoho ya ḥowa.” O vhona Mesia we a bebwa nga musadzi wa tshipofu.

<sup>184</sup> O zwi pfa uri O vha a tshi khou tea u bebwa nga musadzi wa tshipofu, fhedzi vho pfa uri hoyo Muthu u kha liphasi. O pfa uri ho vha hu na Mufunzi muṭuku, Muporofita, We a fhodza vhalwadze. A tenda izwo! Huno afha u a bvelela tshiṭaraṭani, a tshi khou tshimbila a tshi mona, a tshi lavhelesa u mona. Huno a lavhelesa n̄tha afho huno a vhona dikita liphulu li tshi khou itea. A fhufha dzharaṭa, huno a lavhelesa, huno O vha a heneffo. O vha a heneffo! Tshinwe tshithu tsha ri, “Hoyo ndi Ene!” Ni a vhona, o ḥoda zwezwo fhedzi uri a ṭuṭuwedzeye. Vhonani zwe zwa itea? O vhona Ipfi la Mudzimu lo itwa nama. O pfa nga ndevhe yawe, zwino a vhona nga maṭo awe.

<sup>185</sup> Zwino, muṇwe na muṇwe u a zwi divha uri ri na pfulufhedziso ya nyimele ya tshivhidzo, duvhani la u fhedza. Tshivhidzo, kha nyimele yatsho ya zwino, tshi nga si tsha vuledza milayo ya Mudzimu, mushumo muhulu, tshi nga si vhuye tsha vhidzelela Muselwa nn̄da. Ndi tshifhio tshi no do zwi ita? Tsha Pentekosta? Ndi tea uri hai. Na tshithihi tsha zwiṇwe zwoṭhe. Heļo ndi gwati li re kha vhele. Heļo li a bva, li vhonala kokotolo sa vhele, fhedzi a hu na na zwa vhele khazwo. Li a vulea, fhedzi thoro i bva heneffo. Vha a diimisa, vha a divhulaya vhone vhanę. Hafho ndi hone hune vha lovha hone. Vha tou vha matsindé. Fhedzi vhele lo fhira nga kha heneffo, huno zwino zwa thoma u vhumba tshivhumbeo tsha Muselwa. Thoro ya vhele ye ya wela mavuni nga kha zwikhathi zwa swiswi, i tea u fa.

<sup>186</sup> Musasalandzi u ri, “Ndi ngani Mudzimu wa khathutshelo, a tshi nga vula Lwanzhe Lutswuku, a ima nahone a litsha avho Vhakriste vha ṭungufhadzaho vha tshi liwa nga dzindau, nahone

vha fhiswa, na zwiñwe zweño? A dzula ngei nthá, sa u vhunga U khou zwi sea!" Munyadzi a tñungufhadzaho! Naa ho ngo ñivha, "Nga nnnda ha musi thoro ya mbeu ya wela mavuni"? Yo tea u fa nga kha hezwo zwikhathi zwa swiswi, sa vhunga thoro iñwe na iñwe ya vhele i tshi tea u tsa fhasi ha lñifhasi nahone ya swiñwa, u bveledza kha mbuedzedzo ya u thoma uvho vhuhali vhuvhili ha Luther, tsinde. Yo tea u da nga kha Vhawesley, u bva heneffo, u itela u bveledza maluvha, malelevudza, tshikhathi tshihulu tsha mufunziruñwa. Yo tea u bvelela kha Pentekostala, u itela mbuedzedzo ya dzimpho, zwa ñoda u swika kha u fhura Vhanangiwa. Zwi vhonala sa thoro ya vhele; zwi vuleni, a hu na vhele afho na luthihi, hu tou vha gwati. Fhedzi murahu ngomu afho, zwenezwo, vha thoma u vhumba tshiimiswa tsha vhuthihi, tshiimiswa tsha vhuraru, tshiimiswa tsha vhuvhili, tshiimiswa tsha tshivhidzo tsha Mudzimu, huno vñóthe vha ñiimisa, huno zwi tshi tou vha lufu kokotolo! Huno zwino ho itea mini? Fhedzi ndi vhudzumbamo ha vhele, lo vha li tshi khou aluwa tshifhinga tshothe.

<sup>187</sup> Zwino li thoma u bvela thungo, vhele la thoma u vhonala. Hetshi a si tshikhathi tsha Pentekostala. Hetshi ndi tshikhathi tsha duvha la u fhedza. Hetshi ndi tshikhathi tsha Muselwa. Hetshi ndi Tshedza tsha madekwana. Hafha ndi hone hune Maliaxe 4 ya tea u vuledzea, u tevhedzela nqila ya Mudzimu. Hezwi ndi Luka 17:30, uri i vuledzeye. Hovhu ndi ha vhuvhili. . . Huno Yeremia, na vhañwe vhothe, vhe Yoele a amba nga havho vha ano maduvha, *heli* ndi duvha. “Ndo pfa, Murena, huno Zwo vha zwi tshi khou bvelela, fhedzi zwino ndi a Zwi vhona nga lito langa.”

<sup>188</sup> Nga kha zwinzhi . . . ndi vhangana vhakopeli vha mazwifhi vho vuwaho, avho vho Yannesi na Yamburesi na manditi avho othe a u ita zwe Mushe a ita, a zwe ngo vhuya zwa mudzinginya kana Aroni na luthihi. Vho divha he . . . sa Yobo, vho divha uri thutuwedzo yavho i bva kha Nnyi. Vho zwi divha uri Ho vha hu ARALO MA AMBA MURENA! Huno Bivhili nthihi ye ya amba nga havho, i ri, "Vha do da maduvhani a u fhedza, vhakopeli." Idzo dzidinomineishen'i dza vhurereli, musi tshinwe tshithu tsho thoma . . . Ndi nnyi o rangaho u thoma? Mushe kana vhone? Arali ho thoma vhone, Mushe o vha a tshi do vha a—a mukopeli.

<sup>189</sup> Zwino ri na tshaka dzoṭhe dza vhaṭalukanyi na zwiňwe zwithu zweṭhe zwine zwa khou lingedza u xedza muhumbulo waňu kha tshithu tsha vhukuma tsha Mudzimu, tshine Mudzimu o sumbedza sa tsha Ngoho nga Luňwalo Lwawe. “Ro pfa nga Hazwo nga ndevhe dzashu, zwino ri a Zwi vhona nga lito lashu.” Amen! Naa ni a Zwi tenda? [Tshivhidzo tshi ri, “Amen.”—Mudz.] Mbilu dzashu dzoṭhe! Ḧuthuwedzo! Huno nga ilo duvha musi Murwa wa muthu a tshi dzumbululwa, Murwa wa muthu, Yesu Kristo a tshi vhonadzwa vhukati ha vhathe Vhawé.

<sup>190</sup> Muthu o tsela fhasi afho phanda ha Abrahamu na tshigwada tshawe, Muthu zwawe, buse kha zwiambaro Zwawe. Muṭana Wawe wo vha wo rembutshela kha dennde, A ri, “U gai mufumakadzi wau Sara?” (hu si S-a-r-a-i, S-a-r-a; A-b-r-a-h-a-m-u, hu si A-b-r-a-m-u). A vhidza dzina ḥawé, a ri, “U gai ene?”

<sup>191</sup> A ri, “U denndeni, murahu Hau.”

<sup>192</sup> A ri, “Ndi khou ya u u dalela u ya nga tshifhinga tsha vhutshilo” (huno a setshela tshanda tshawe). A ri, “Ndi ngani o sea?” (Uh-huh). Zwino, O fulufhedzisa. Havho vhathu ndi vhone vhe vha vha vho ṭulutshelwa murwa wa pfulufhedziso.

<sup>193</sup> Zwino, a thi na ndavha uri vhathu vha tshila hani kha hedzi dzidinomineisheni, vha tshi ri vha khou “ṭulutshelwa Kristo,” nyito dzavho dzi sumbedza uri a vha khou ralo. Izwo ndi zwone. Nyito dzaṇu dzi amba u fhira maipfi anu. Zwine vha khou elekanya ngazwó ndi u engedza mirado ya dinomineisheni, fhedzi hu na vhañwe vhathu, muñwe ḥafha na hafho, vho ṭulutshelwaho u Vhuya ha Murena. Vha khou lavhelesana na... zwo diralo. Kha vhenevho fhedzi U do didzumbulula Ene munę, vhenevho fhedzi vha do pfesesa.

<sup>194</sup> Vhanangiwa fhedzi vho pfesesa Zwe A vha a zwone. Itanu elekanya, hu na vhathu vha yelaho kha milioni tharu, Vhayuda, kha lifhasi, ho vha hu si na muthihi kha vhararu wavho we a vhuya a zwi ḏivha uri O vha a henefho u swika O no da nahone o no ḥawa. Ni a vhona? Fhedzi O didzumbulula Ene munę kha havho vhe vha vha vho lindela: Yohane Mulovhedzi, na—na vhaapostola vho vhidzwaho nga Yohane, na zwiñwe zwinzhi, na Ana wa bofu ngei themmbeleni, Simioni tshifhe we “zwo vha zwo dzumbululwa khae nga Muya Mukhethwa uri u khou ya u vhona Kristo.” Avho vharangaphanda vhothe vhahulwane vha vhurereli, vhorathiolodzhi na zwiñwe, vho pofula u ya nga hune vha nga vha ngaho!

<sup>195</sup> Mvulo fhedzi i nga kona u alusa mbeu, arali mbeu yo no vha henefho. Huno sa vhunga no vha ni tshitzhili u rangani kha khotsi anu, nahone vho vha sa ni ḏivhi, fhedzi no vha ni kha khotsi anu. Fhedzi nga kha mudavhi wa mbebo wa mme anu, no itwa vha vhonadzwaho kha u fana nae, huno zwenezwo u a kona u amba na inwi. Mudzimu, Mudzimu Muhulu; arali ni na Vhutshilo Vhu Sa Pheli, zwenezwo tshitzhili tsha Vhutshilo Vhu Sa Pheli tsho vha tshi kha Mudzimu u rangani. Huno no vha ni henefho, no vha ni kha ngelekanyo Dzawé, dzina ḥanu na zwothe. Huno Ene, nga u ḏivhela phanda, o ni tela uri ni vhone Hezwi. Huno vho inwi vhe ni sa tiwe, a ni nga vhuyi na Zwi vhona. Fhedzi, elelwani, nga Dzina la Murena Yesu, “Awara i fhano!” Naa a ni nga Mu tendi? Neani vhutshilo haṇu Khae. Ndi khou tea u ima, tsho no fhira iri ya vhutahe.

Kha ri kotamise ḫohoh dzashu.

<sup>196</sup> “Ndo pfa, Murena, nga ha Iwe, zwino ndi a U vhona!” Murena Yesu, fhaṭutshedza avha vhathe musi vha tshi lindela.

<sup>197</sup> Zwino ndi khou ya u ni vhudzisa mbudziso. Ndi khou ya u tendela Muya Mukhethwa (ndi a fulufhela uri U do ralo) ṭolani mihibumbulo yanu, dilingululeni, lingululani muya wanu, huno ni vhone arali ni tshi tenda zwavhukuma. Huno arali na wana uri hu na u timatima huṭuku heneffo, naa ni do imisa tshanda tshanu? Irini, “Murena Yesu, ntendele ndi U vhone. Ndo pfa nga ha Iwe, fhedzi a thi athu vhuya nda tou U vhona. Ntendele ndi U vhone, ndi do tenda.” Zwoṭhe zwe luga. Izwo ndi zwone.

<sup>198</sup> Naa vha hone vhañwe afha vha sa Mu ḋivhi sa Mutshidzi wavho? Imisani tshanda tshanu, ni ri, “Arali...ndi—ndi muitazwivhi, fhedzi arali nda... arali Iwe—arali Iwe wa tou ntendela nda U vhona, Murena Yesu, vhonadza heli Ipfi line vha khou amba ngalo. Ndi a ḋivha uri Yobo o U vhona nga u ralo. Ndi a ḋivha uri Abrahamu o U vhona nga u ralo. Ndi a ḋivha uri vhañwe vhoṭhe vho U vhona nga u ralo, ngauri lo vha li Ipfi Lau lo fulufhedziswaho li tshi khou khwaṭhisizedzwa. Ndo pfa zwithu zwoṭhe zwe fhambanaho, na manditi, na zwiñwe zwoṭhe, fhedzi ndi a pfesesa uri hu na Mulaedza wa ḋuvha la u fhedza shangoni, we wa ambwa nga Muruñwa mulamboni, nga 1933. Ndo pfa nga ha dzitshumelo dza phodzo dzo no khou itea, nahone ndi a zwi ḋivha uri musi hezwo zwi tshi itea, zwi nga si dzule kha maitele a dinomineisheni nthihi ya kale.” A zwi ngo rumelwa izwo, a zwi ngo vhuya zwa dzula afho. [A hu na tshithu kha theiphi—Mudz.] ...?

<sup>199</sup> Mini-ha arali Mushe o da, a ri, “Kha ri fhaṭe gungwa sa zwe Noaxe a ita, ri papamale ri tshi tsa na mulambo ri tshi bva Egipita”? Oo, hai. Ni a vhona? Hai! O vha a na Mulaedza u bvaho ha Mudzimu, o vha a mbonadzo. Ula muporofita a tshi takuwa vhuponi, o vha o fanelwa u sumbedza Isiraele heneffo. A vho ngo vha na mupofita lwa miñwaha ya mađana maña, a vho ngo vha na muporofita, huno afha hu takuwa muporofita vhuponi. Vho vha vho fanelwa u ḋivha uri tshiñwe tshithu tsho vha tshi tshi khou ya u itea.

<sup>200</sup> Isiraele hafhu ho ngo vha na muporofita lwa miñwaha ya mađana, huno afha ha bvelela Yesu vhuponi. Huno musadzi tshisismani, a ri, “Muñe wanga, ndi elekanya uri Iwe u muporofita. Zwino, a ro ngo vha nae lwa miñwaha ya mađana maña.” Ngauri, O ḋivha zwe zwa vha zwi mbiluni yawe. Ni a vhona?

<sup>201</sup> Zwino, ro fulufhedziswa tshikhathi tsha tshivhidzo nga kha vhavhuedzedzi, huno ro vha pfa. Fhedzi O fulufhedzisa, kha Maliaxe 4, U do tevhedza ndila Yawe mađuvhani a u fhedza, zwine zwa do itea, “U shandukisa mbilu dza vhana dza humela kha Lutendo lwa khotsi lwa vhuapostola.” U itela yeneyo ndivho! Huno tshivhidzo tshi khou tea u kwashekana kha

dzidinomineisheni na dziizimu, zwi kwashekana nga zwipiда u swika zwi tshi fa; zwe vha zwiwhali. Huno zwenezwo A fulufhedzisa, nga awara ya Mulaedza wa muruňwa wa vhusumbe, Mapfundo A Sumbe a do dzumbululwa; zwiphiri zwa Mudzimu zwi do rerwa (Nzungbululo 10) musi muruňwa wa vhusumbe a tshi thoma u huwelela Mulaedza wawe, hu si tshumelo ya phodzo, Mulaedza une wa tevhela tshumelo ya phodzo.

<sup>202</sup> Yesu o vha a “muthannga muhulu” tenda fhedzi A tshi khou fhodza vhalwadze. Fhedzi O ri musi, “Nñe na Khotsi Anga ri Muthihi.”

<sup>203</sup> “Huh-uh! Hezwo zwe vha zwe khakhea!”

<sup>204</sup> Yobo o vha a “muhulu,” u swika tshiňwe tshithu tshi tshi itea khae. Ni a vhona? Zwi dzulela u vha nga yeneyo ndila.

<sup>205</sup> Tendani! Naa ni do Mu ḥanganedza zwino? Imisani tshanda tshanu, ni ri, “Ndi a ralo u Mu tenda. Ndi khou ḥoda u Mu ḥanganedza.” Mudzimu a ni fhaṭutshedze. Mudzimu a ni fhaṭutshedze. Izwo ndi zwone.

Zwino dzulani ni fhumule nahone ni rabele lwa tshikhalyanya.

<sup>206</sup> Mudzimu a funeaho, kha tshino tshikhala tsha u dikumedza, tshi khou ya u vha tshifhinga tshi nga ho itshi musi hu tshi do vha na muvhando wa muthathabo liňwe ḫuvha, huno Murwa wa Mudzimu o do tsa a tshi bva maṭadulu na mukosi, na ipfi la Muruňwa muhuňu, na lufhalafhala lwa Mudzimu, vho felaho kha Kristo vha do vuwa. Huno muňwe na muňwe washu u a ḫivha na u ḫalukanya madekwana a ḫamusi, Khotsi, uri ri khou tea u ya u fhindulela ipfi liňwe na liňwe line ra ḫea, na ipfi liňwe na liňwe line ra amba. Na ngelekanyo dzi re mbiluni dzashu, ri khou ya u dzi fhindulela. Ndi a U rabela, Mudzimu, nga Dzina la Yesu, uri U ḫanzwe mbilu iňwe na iňwe i re fhano. Tanzwa mbilu yanga, tanzwa mbilu dza havha vhathu. Huno ngavhe ri tshi lugela, Murena, nahone ngavhe maṭo ashu a tshi maya a tshi vulwa madekwana a ḫamusi u itela u vhona Vhugala ha Mudzimu Ramaanda othe. Ro pfa nga Hae, O Khotsi, Mudzimu, ri rabela uri U ri tendele ri Mu vhone. Zwi tendele, Khotsi. Tendela idzi dziphaṭutshedzo, ndi a rabela, nga kha Dzina la Yesu Kristo. Amen.

<sup>207</sup> Elelwani: Mbiluni yanu, he na dzula hone, itani aleṭare yanu ḫukhu. Irini, “Murena Yesu, dzhena mbiluni yanga zwino. Nnee tshiňwe tshithu tsha . . . tshiňwe tshithu tshire ndi nga farelela khatsho. Ntendele ndi pfe ḫuṭhuwedzo ine ya mmbudza uri Iwe u ‘hone.’”

<sup>208</sup> Zwino, maipfi-de a u amba kha vhathu! Tsha hani tshone—tshone tshithu tsha u ita! Zwino ndi khou ya u humbelala Murena Mudzimu, humbelani . . .

<sup>209</sup> Ndi vhangana vha vhoiñwi vhane vha dzhia dzitheiphi? No pfa nga ha: *Tshi Tou Vha Tshifhinga-de, Muñe-wanga?* Naa ro sumbedza ayo magazini na zwiñwe, ñwaha phanda ha musi zwi tshi itea? Saints i a kondelwa ngazwo. Heneñho ho vha hu Murena Yesu o ambadzwa khare nahone na ila wigi tshena sa zwine na vhona kha Bivhili, kha Nzumbululo 1, na Daniele, Muhañulu Muhulu wa Lañadulu na liphasi. Heneñho, musi saints i sa koni u Zwi vhona yone iné. Huno kha u lavheleswa, nnda ngei kha Univesithi ya Arizona nga ngei fhasi Mexico, vha khou ñola, zwo vha zwa miñwaha mivhili yo fhelaho. Huno zwo vha zwo ambiwa heneñho, zwo vha zwo ralo “zwi khou ya u itea,” u rangani.

<sup>210</sup> Mini nga ha mudzinginyo wa Alaska? Lavhelesani Hollywood i tshi wela lwanzheni! Lavhelesani ni vhone arali ri sa do ralo. Ha athu u vhuya a mmbudza tshinwe tshithu tsho khakheaho, i ño zwi ita. Ni a vhona? Huno itanu lavhelesa nahone ni vhone arali ni sa khou tshila kha u vala ha dziawara dza ñivhazwakale. A hu na muthu a no ñivha uri ndi ifhio awara iné A khou vhuya ngayo. Fhedzi ndi a ñivha tshithu tshithihi: ndi a tenda, kha nyimele yanga ya zwino, arali ndi kha muhumbulo wanga wone, nahone arali ndo vha ndi si Mukriste, nda tshi ño takalela u vha Mukriste wa vhukuma wa Bivhili, hu si wa dinomineisheni. Ni so ngo fulufhela kha u ri no huwelela. Ro zwi pfa izwo ano matsheloni, ra zwi sumbedza nga Ipfi la Mudzimu; zwo ñe zwi nnda ha lufuno lwa Mudzimu, a zwi ngo ita tshithu na tshithihi fhedzi u tou vhanga lufu. Ni so ngo vha tsindeni, ivhani kha Vhutshilo. Ni a vhona? Ivhani na lutendo kha Mudzimu.

<sup>211</sup> Naa ni a tenda uri Mudzimu we a ita iyi pfulufhedziso, we a ñivhonadza Ene muñe, kha Bugu ya Genesi, huno a ñivhonadza kha Abrahamu nahone a ita dembe... Mudzimu muthihi o itwa ñama, muthu wa ñama, o bebwa nga musadzi wa tshipofu. Wo vha u muvhili wa ñadulu hafho, zwo tou ralo, fhedzi zwenezwo musi A tshi da kha muvhili wa ñama nahone o vha a Muthu muthihi, nahone a tshi ita zwithu zwithihi,... Naa a ni tendi uri arali Mudzimu a tshi nga wana muthu, we A fulufhedzisa u ita u ya nga Maliaxe 4, ñdila iné A nga amba nga khayo, U do ita tshithu tshi fanaho tshe A amba uri U do tshi ita heneñho? Naa ni a tenda izwo? Ndi a tenda U do ralo, nae-vho.

<sup>212</sup> Naa ni a tenda uri ni nga vha na lutendo lwa u kwama nguvho Yawe, lutendo Lwawe lwa u kwama nguvho? Naa ni a tenda zwino heneñha uri tshinwe tshithu tshi khou amba na mbilu yanu tshire tsha ño ni vhudza uri ni na lutendo lwa u kwama nguvho Yawe? Ni a tenda uri ni nga ita izwo? Inwi swikelelani nahone ni kwame nga lutendo lwañu, hu si nga zwipfi, nga lwo kunaho, lutendo lu so ngo tshikafhalaho. Itanu ri, “Murena, ndi a tenda. Ndi a tenda nga mbilu yanga yoñhe. Ndi khou ñoda Iwe u tshi

nkwama ngauri ndo—ndo U pfa u tshi zwi ita, zwino ndi khou Ძoda u zwi vhona nga maṭo anga nne muṇe.”

<sup>213</sup> Huno ndi nga si u kwame. Zwi dzhia Mudzimu u kwama. Naa ni a tenda uri U Ძo zwi ita? [Tshivhidzo tshi ri, “Amen.”—Mudz.]

<sup>214</sup> Ndi khou lavhelesa murahu kha tshamonde tshanga hafha. Zwi vhonala unga hu na ndila, zwi tou nga, sa musi ndo amba, i khou kokodzela kha iyo ndila. Ngauri ndo i laedzela kha yeneyo ndila, zwino i da zwavhudzi. Ndi mufumakadzi o dzulaho afho na munna wawe. Ha bvi fhano. U bva Texas, Dallas. U khou tambula, na munna wawe u khou tambula. U khou tambudzwa nga vhukondi, o vha na muaro. Izwo ndi zwone. Munna wawe u tambudzwa nga tshinwe tshithu kha muṭana wawe, thaidzo ya muṭanani. Vhokhotsi na Vhomme Corbet, u bva Texas; Dallas, Texas. Arali izwo zwo ralo, imisani tshanda tshaṇu. Ndi mutsinda kha inwi. Izwo ndi zwone? A hu na ndila shangoni ya uri ndi ḋivhe izwo. Tshi tou vha mini? “Ndo pfa nga ha Iwe nga ndevhe yanga, zwino ndi a U vhona.” Ni a vhona zwine nda amba? Zwino vhudzisani avho vhafunani. A thi athu vhuya nda vha vhona vhutshiloni hanga. “Ndo pfa nga ha Iwe nga ndevhe yanga, zwino ndi a U vhona nga liṭo Ძangā.”

<sup>215</sup> Arali na nga tenda, Mudzimu a nga bveledza zwine na vha na Ძhodea nazwo.

<sup>216</sup> Munna o dzulaho afho na tshanda tshawe kha tshiṭefu tshawe, na uyo mutsiko wa malofha. U a tenda uri Mudzimu u Ძo u fhodza, muṇe wanga? U a ralo? Wo dzula na tshanda tshau sa *hezwi*, u a tenda uri Mudzimu u Ძo u fhodza uyo mutsiko wa malofha? Imisela tshanda tshau n̄tha, arali u tshi Zwi tenda. Zwoṭhe zwo luga, U a zwi ita. A thi athu vhuya nda vhona munna uyo vhutshiloni hanga, a thi ḋivhi tshithu nga haye. Fhedzi no zwi pfa uri Yesu o ri, hafha kha Bivhili, uri U Ძo ita hezwi zwithu, zwino ni a zwi vhona! Ni a vhona zwine nda amba? “Arali iwe wa nga tou tenda, zwithu zwoṭhe zwi a konadzea.” Kha avho fhedzi vhane vha tenda! Zwi dzhia lwa ngoho, lutendo lwa vhukuma u zwi ita. Fhedzi arali na kona u Zwi tenda, Mudzimu u Ძo zwi tendela.

<sup>217</sup> Hu na mufumakadzi o dzulaho murahu hafho, o lavhelesa kha nne, u na thanga yo zwimbaho kha gulokulo Ძawē.

<sup>218</sup> Mufumakadzi o dzulaho nga tsini, o dzula tsini hawe, uri a pfeſeſe, hoyo mufumakadzi hafho u na mutsiko wa malofha, nae-vho. Izwo ndi zwone.

<sup>219</sup> Mufumakadzi o dzulaho tsini nae, u na yone—yone thaidzo, nae-vho. Huno ha bvi fhano, u bva Arkansas. Vha khou hu Ძuvha. Vhomme-Phillips, kha vha tende kha Murena Yesu Kristo huno vha fhole! Naa ni a Mu tenda? Nga mbilu yanu yoṭhe? Ni a Zwi tanganedza? Ndi zwone. Zwenezwo ni nga vha nazwo.

Zwino ni ri, “Izwo zwi a mangadza.” Hai! Hai!

<sup>220</sup> Yesu o ri, “Dzina lau ndi Simoni, u murwa wa Yona.” Izwo ndi zwone?

<sup>221</sup> “Ndo pfa nga ha Iwe nga ndevhe yanga, zwino ndi a U vhona nga līto ḥanga.” Zwino a ni vhoni zwe zwa itea? Muñwe muthu o sokou dzula heneffo, o lavhelesa, a tshi tenda, a tshi fulufhela, huno nga u tou ḥavhanya zwa itea. Ni a vhona?

<sup>222</sup> Ni dipfa ni khwiñe, murwa, madekwana a ñamusi, u fhira zwa vhusiku ho fhiraho? No dzula fhasi? Zwoþhe zwo luga zwino, ni khou ya u fholu (uh-huh). O dzula hafha vhusiku ho fhiraho, a tshi gegenedza þohoh yawe na zwiñwe zwoþhe; zwino, madekwana a ñamusi, u vhonala sa nzhinga. Ni a vhona? O vha o dadisea zwiþuku nga zwithu, fhedzi zwo lugiswa zwino. Ni a vhona? Zwoþhe zwo luga. Ni a vhona? “Huno nga iþo ðuvha, Murwa wa muthu u khou dzumbululwa, ni a vhona, phanða ha musi Sodoma i tshi fhiswa.”

<sup>223</sup> “Ndo pfa nga ha Iwe nga ndevhe yanga, zwino ndi a U vhona nga līto ḥanga. Ndo pfa Yesu Kristo A tshi ri o fulufhedzisa izwo, ndi vhona pfulufhedziso i tshi khou tshila zwino.” Ni a vhona? “Ndo pfa nga ha Iwe nga ndevhe yanga, zwino ndi a Mu vhona nga līto ḥanga.” Ndi vhangana vhane vha tenda Izwo uri ndi Ene? (O Mudzimu!)

<sup>224</sup> Zwino, musi ri fhano... li khou thoma u vha luswiswi. Vhusiku ha matshelo ri khou ya u vha na tshumelo khulu ya phodzo. Ri khou lavhelela Mukomana Moore na nñe kha u ima afha huno ra rabelela muthu muñwe na muñwe ané a khou þoda u ða kha muduba. Fhedzi ndo elekanya uri nga u amba hezwi madekwana a ñamusi, ndo vha ndi tshi khou ya u ita mbidzo ya aleþareni. Fhedzi zwenezwo nda elekanya, “hai,” Zwo amba hafho, “Ndo pfa nga ha Iwe nga ndevhe yanga, zwino ndi khou þoda u vhona Iwe nga līto ḥanga.” Zwino U fhano. Naa ni a tenda izwo?

<sup>225</sup> Zwino kha ri vheyane zwanda nga tshashu. Zwino, elelwani, Muthihi a sa shanduki we a fulufhedzisa uri U do ita *hezwi*, o ri, “Hezwi zwiga zwi do tevhela avho vha tendaho.” Naa O Zwi amba? Naa ni mutendi? Irini, “Amen.” Zwo luga, zwenezwo, Mudzimu muthihi we a ita heyi pfulufhedziso ine na Mu vhona a tshi i vuledza zwino, . . . Vhudzisani muñwe wa avho vhathu, a thi athu vhuya nda vha vhona, a thi ðivhi tshithu nga havho. Ndo vha ndi nga si vha ðivhe zwino, ni a vhona, a zwi konadzei kha nñe. Fhedzi Luñwalo lu khou tea u vuledzea! Zwo luga, arali izwo zwo vuledzea, zwi sumbedza uri ri zwifhingani zwa u fhedza, ri do ðivha uri Murwa wa muthu o lugela u . . . u ða, ngauri U khou ðidzumbulula Ene muñwe kha muthu wa ñama. Naa izwo ndi zwone?

<sup>226</sup> Zwenezwo ri a ðivha uri ndi ngoho, huno ni ri ni mutendi Khae, nahone no vheyana zwanda. Huno arali no vheyana zwanda zwanu, ula Murwa wa Mudzimu a sa shanduki ane a vha

fhano u ita *hezwi* uri zwi vhe ngoho maṭoni ashu, Murwa muthihi u fhano u amba uri, “Vha ḍo fhola!” Murwa wa Mudzimu a sa shandukih! “Ndo pfa uri O ri, ‘Arali vhatendi vha vheya zwanda khavho, vha ḍo fhola.’ Ndo zwi pfa nga ndevhe dzanga, zwino ntendele ndi zwi vhona nga maṭo anga. O fulufhedzisa u zwi ita.”

Zwino musi ndi tshi rabela, ni rabele.

<sup>227</sup> Murena Yesu, nga Dzina ṥa Murena Mudzimu wa Ṭadulu, tendela Muya Wau u rothele kha mbilu dza vhathu; lwuya lutendo lwa vhukuma lwa Mudzimu, lune lwa do khwaṭhisēdza heyi pfulufhedziso khavho. Huno ngavhe Mudzimu wa Ṭadulu a tshi fhodza muñwe na muñwe wavho, musi vha tshi ṭhonifha milayo Yau nga u vheyana zwanda. Zwi tendele zwi ralo, Murena. Nga Dzina ṥa Yesu Kristo, zwi tendele uri zwi ralo, u itela vhugala Hau.

<sup>228</sup> Zwino, naa ni a tenda uri no wana zwe na zwi humbelā? Naa tshiñwe tshithu mbiluni yanu tshi a ni vhudza? Naa ni a pfa tshiila tshithu tshiṭuku tsha ṭhuthuwedzo, tshi tshi ri, “Ndi ngani, zwo fhela! Zwo khunyelela!”?

<sup>229</sup> Ndaela ya Mudzimu i ri ri nga zwi pfa nga ndevhe yashu, zwino ri a kona u zwi vhona nga liṭo ḥashu. Yobo o ri, “Ndo pfa nga ha Iwe nga kupfele kwa ndevhe, fhedzi zwino ndi a U vhona nga maṭo anga.”

<sup>230</sup> Zwino, no zwi pfa nga Ipfi, nga kupfele kwa Ipfi, “Lutendo lu da nga u pfa, u pfa Ipfi.” Zwino ni Zwi vhona zwi tshi itea, nga maṭo anu! Zwino, Mudzimu muthihi o amba izwo, musi hezwi zwithu zwo vha zwi tshi khou tea u itea, uri “vhatendi kha Hezwi vha ḍo vheya zwanda zwavho kha vhalwadze nahone vha do fhola.” Zwino izwo zwo rothela mbiluni yanu u ri no “fhola”? Imisani zwanda zwanu arali zwo ralo. Amen! Heyo ndi phodzo ya vhukuma ya vhuapostola. Ni khou amba zwezwo? Ni khou Zwi tenda nga mbilu yanu yoṭhe? Haleluya! Ndi zwezwo fhedzi zwine ra ḥoda.

Kha ri ime nga milenzhe yashu huno ri Mu ḥnee thendo, zwenezwo.

<sup>231</sup> Ndi a U livhuwa, Murena Yesu. Kha hu rendwe Dzina ṥa Murena.

Ndi do Mu renda! ndi do Mu renda!  
Rendani Ngwana nga u fela vhatazwivhi;  
Mu ḥneeni vhugala, vhoiñwi vhathu noṭhe,  
Ngauri Malofha Awe o ḥanzwela kule dondo  
liñwe na liñwe.

<sup>232</sup> Zwino, naa ni a Mu funa? Zwino kha ri, roṭhe, kha ri Mu ḥnee vhugala, vhoiñwi vhathu noṭhe. Zwino, lavhelesani, arali izwo no zwi dzumbululelwa nga Mudzimu, nga ndila ye na tshidzwa ngayo, ndila nthihi ye na vhudza uri “no vha no tshidzwa,” ndila

nthihi ye Mudzimu a fhira khayo, sa zwe A ita nga kha Yobo na vhaporifota, U tshimbila nga kha inwi nga kha iyo ndila sa Mukriste, nga nzumbululo Khethwa Yawe ya uri “no fhodzwa,” zwenezwo a hu na tshithu tshine tsha khou ya u zwi thivhela kha u itea.

Ngauralo ri Mu ḥea vhugala, vhoiñwi vhathe  
nothe,

Ngauri Malofha Awe o ḥanzwela kule  
tshinwe na tshinwe... (thimathimo dzothe;  
o ḥanzwela kule thimathimo dzothe.)

Ndi do Mu renda! ndi do Mu renda!

Rendani Ngwana nga u fela muitazwivhi;

Mu ḥeeni vhugala, vhoiñwi vhathe nothe,

Ngauri Malofha Awe o ḥanzwela kule dondo  
liñwe na liñwe.

<sup>233</sup> Oo, naa a ni Mu funi? Aa, ndi zwavhuđi hani. “Ndo pfa nga ha Iwe, Murena, nga ndevhe yanga, huno lutendo lu da nga u pfa; fhedzi zwino ndi a U vhona, Mudzimu u khou ḥidivhisa Ene muñe vhukati ha vhathe Vhawe sa zwe A ita kha Abrahamu, nga pfulufhedziso Yawe hafha ya uri Murwa wa muthu u do ḥidzumbulula nga mađuvha ane shango li do vha li kha nyimele ya Sodoma.”

<sup>234</sup> Huno ho vha hu na vharumiwa vhararu vhe vha ya, vha tshi bva Tađulu.

<sup>235</sup> Huno ho vha hu na tshigwada tsha dinomineisheni ngei fhasi Sodoma, huno Billy Graham na Oral Roberts vho tsela henefho. Huno elelwani sa musi ndo ni vhudza, a hu na fhethu kha ḥivhazwakale ya tshivhidzo he ha vhuya ha vha na murumiwa o ruñwaho kha linnda kha tshivhidzo, u swika zwino, na dzina lawe li tshi fhela sa Abrahamu, h-a-m. G-r-a-h-a-m, maledere a rathi, kha shango, ḥomboro ya muthu.

<sup>236</sup> Fhedzi Abrahamu o vha a na maledere a sumbe kha dzina, ḥomboro ya Mudzimu yo fhelelaho na u khunyelela. Ni a vhona?

<sup>237</sup> Huno dzhielani nzhele zwe vharumiwa vha ita vhe vha ya afho: vho rera Ipfi, vha vha vhidzela nn̄da, vha vha vhudza uri vha shanduke.

<sup>238</sup> Fhedzi Ene We a dzula na Abrahamu, ni a vhona, o ita dembe nga u vhudza Abrahamu zwe Sara a vha a khou ita na u elekanya ngomu denndeni murahu Hawe. Huno Yesu, We a vha a Ene we a vha a kha Muthu, o ri, “Musi shango li tshi swika kha nyimele ya Sodoma, sa zwe zwa vha zwi zwone zwila, Murwa wa muthu u do dzumbululwa hafhu.” Huno mañwe Mañwalo othe a khou khwathisedza uri izwo two tou ralo. Ene... “U rangani ho vha hu na” [Tshivhidzo tshi ri, “Ipfi,”—Mudz.] “huno Ipfi o vha a na” [“Mudzimu,”] “nahone Ipfi o vha a” [“Mudzimu.”] “Huno Ipfi a itwa nama nahone a dzula vhukati hashu.” Izwo ndi zwone? Zwino ri vhona Ipfi la pfulufhedziso li fanaho, la Luka,

la Maleaxe, hedzi dziñwe pfulufhedziso dzoþhe u bva ñamusi, dzo itwa ñama, dzi tshi dzula vhukati hashu, dze ra pfa nga ndevhe dzashu; zwino ri a Mu vhona (nga maþo ashu) a tshi þalutshedza Ipfi Lawe Ene muñe, a ri þodi iñwe þhalutshedzo ya muthu. O Tshivhidzo tsha Mudzimu a tshilaho, fhano na kha dzithelefoni, vuwani nga tshihadu, phanda ha musi ni tshi lenga! Mudzimu a ni fhaþutshedze.

Ndi a Mu funa, ndi a Mu funa  
Ngauri O ranga u mpfuna,  
Huno a badela u tshidzwa hanga  
Kha muri wa Khalivari.

<sup>239</sup> Naa ni nga elekanya, tshivhidzo, uri ni khou lavhelesa nga maþo añu... Ipfi li tshilaho la Mudzimu lo vhonadzwa, pfulufhedziso ya awara, kha ano maðuvha a u fhedza, ni khou lavhelesa nga maþo añu kha Ipfi li tshilaho li tshi þalutshedzwa nga tshivhumbeo tsha mvelo, Mudzimu vhukati hashu! "Ndi Mu vhona nga maþo anga nñe muñe, Ene... ndo pfa uri U do zwi ita." Madendele oþhe a kale o þulutshelwa heli ðuvha, zwino ri Zwi vhona zwi tshi vhonadzwa nga liþo laþhu. Ndi vhangana Vhamethodisi vha kale vha huwelelaho, Vhabaphuthisi, na vha ngoho, vhapentekostaþa vha vhukuma kha tshikhathi tshavho, vho þulutshelwa u vhona hezwi zwi tshi itea! Vhunzhi havho vho zwi ðivha uri zwi do itea. Fhedzi ri ima madekwana a ñamusi ri tshi zwi vhona zwi tshi itea! Oo! Naa a ni Mu funi?

<sup>240</sup> Zwino, Yesu o ri, "Nga hezwi vhathe vhoþhe vha do zwi ðivha uri ni vhafunziwa Vhangana, musi ni tshi funana." Ngauralo sa musi ri tshi Mu funa, kha ri khadane zwanda huno ri imbe *Ndi Do Mu Renda! Ndi Do Mu Renda!* Zweþhe zwe luga.

Ndi do Mu renda! ndi do Mu renda!  
Oo rendani Ngwana yo felaho vhatazwivhi;  
Mu ñeeni vhugala, noþhe... (Zwine na ita?)...  
vhathe  
Ngauri Malofha Awe o þanzwela kule dondo  
liñwe na liñwe.

<sup>241</sup> Khosikadzi ya Beletsatsara o ri mini phanda ha khosi yawe vhula vhusiku? "Hu na muthu muvhusoni wau ane a fhedza thimathimo." Huno Muya Mukhethwa, madekwana a ñamusi, ndi Mufhedzi wa thimathimo! Naa ni a tenda izwo? (Zwine a þoda? Oo, izwo ndi zwone zweþhe.) Mufhedzi wa thimathimo! Zwino, Malofha a Kristo a bvisela kule dondo liñwe na liñwe, dondo la u timatima. A hu na tshivhi tshihulu shangoni u fhira u sa tenda, "Ngauri uyo a sa tendiho, o no di haþulwa!" Naa izwo ndi zwone? "Uyo a sa tendiho o haþulwa." Hu na tshivhi tshithihi fhedzi, huno hetsho ndi u sa tenda. U dahan a si tshivhi, u sema a si tshivhi, u ita vhupombwe a si tshivhi, u zwifha a si tshivhi; hezwo a si tshivhi, hezwo ndi bvelele dza u sa tenda. U sa tenda! Ni zwi ita ngauri a ni tendi. Arali ni tshi Zwi tenda, a ni zwi iti.

<sup>242</sup> Oo! Oo! Ndi mini...Ndi zwavhudí! Huno Malofha a Ngwana o ḥanzwela kule u timatima hoḥé. Ri a tenda Ipfi Lawe, nyombedzedzo. Ri a tenda uri Ipfi lo itwa ḥama. Huno ri a tenda uri Ipfi *li* khou itwa ḥama nga u vhonadzwa ha Vhuhone Hawe zwino u itela u khwathisedza Ipfi Lawe. Naa ni a Zwi tenda? Mudzimu a ni fhaṭutshedze.

<sup>243</sup> Ri fulufhela u ni vhone fhano nga matsheloni, u itela tshifhinga tshihulu kha Murena. Kotamisani ḥoho dzanu zwino, huno ndi ḥetshedza tshumelo kha Mukomaná Lindsay. 

*NDO PFA FHEDZI ZWINO NDI A VHONA* TSV65-1127E  
(I Have Heard But Now I See)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Mugivhela, Lara 27, 1965, Thaberenakele ni ya Vhutshilo kha la Shreveport, Louisiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenḍa yo gandiswa huno ya phaḍaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)